



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

TYCHONI BRAHE OTTHONIDI,  
Domino de Knudsdorp, Iuueni docto,  
& verè nobili,

Iohannes Pratenſis, Medicus,  
S. D.



VM NVPER RELICTIS DOMESTICIS  
Musis, & Pyronomicis tuis exercitijs, Hafnia, apud nos  
esses, Tycho nobilissime: ac de communibus studijs, vltro  
citroq, qui mos noster est, conferreremus: inter reliqua  
ingenij tui, qua domi suppressis, monumenta, Diarium  
labentis huius Anni, singulari & erudita à te Methodo conscriptum,  
produxisti, mihiq, legendum communicasti. Quod quidem, vt perlustrauit  
diligentius, summopere placuit, & mirifice me recreauit. Quapropter  
cepi diligenter te statim ad editionem cohortari: vt alijs quoq, tam vti-  
lis facundusq, labor inferuiret. Videbam enim, plurima ibi contineri,  
qua, si publicarentur, plurimum lucis rebus Astronomicis adderent:  
multa, in Arte, hactenus dubia parumq, firma, corrigerent: multos  
deniq, communium Astrologorum receptos ignotofq, errores detegerent.  
Nam, praterquam quòd lectissimorum Artificum decreta sequutus,  
qua in ijs difficilia paucisq, euoluta sunt, Exemplis illustribus declaras,  
& tanquam oclusum Silenum, intus, conspicienda proponas: etiam pro-  
prias, in vtraq, Astrologia Observationes, certas illas quidem, & magno,  
a te, tot inauditorum Organorum fabricatione, tot improbis laboribus,  
tot vigilatarum noctium tædio redemptas, proponis. Verùm ad editio-  
nem te suadenti, & tum temporis, & aliquoties etiam postea, pa-  
rum obsecundans fuisti: causas quasdam adducens, qua tibi quidem  
satisfacere poterant: mihi verò, tantum abest quod satisfecerint, vt  
etiam in proposito meo plus me confirmarint. Etenim, quod hasce  
tuas pagellas (tuis enim verbis vtor) non enim in finem, vt orbi ede-  
rentur, conscripsisse te respondes; sed rudiores esse tantum, & extem-  
poraneas, tuarum, ijs de rebus meditationum, delineationes, tibi refer-  
uandas, neq, ideo dignas publicè legi: facit id quidem, mi Tycho, mo-  
destus ille animus; qui, quanto, pulcherrimarum & sublimium rerum  
(:) 2 Scientia

*scientia, sublimiorem se fecit: tanto quoque sese humiliorem gerit. Sequitur  
certè, docti, & verè excelsi Animi. Veruntamen, non ita semper,  
nobismet, de nobis ipsis, credere debemus: ut, rectis Amicorum iudicijs  
fidem derogare videamur. Atqui, ne me, Amore tui obcecatum,  
minus rectè iudicare existimes: quaeso, tot excellentium doctrina viro-  
rum sententiam specta, quorum & iudicium auduisti sapius, & pre-  
cibus es ad editionem sollicitatus. Quin, nec tibi soli conscripta esse  
illa concedes; si, & finem laborum tuorum, & ius, quod sibi Respub.  
literaria, in tuos, eruditorumque omnium sudores, sibi vendicat, confide-  
raueris. Quis tu, è Natura fontibus, in te, derivasti fontes quasi se-  
cundarios, eorum, te riuulos, in alios deducere, æquum est, salus Domi-  
nij Legibus. Opulenta mater, Natura est, larga, filios geminos, hæ-  
reditate donans: inexhausti Abyssus, è quibus, quò plus hausieris,  
& in alios congeneres derivaueris, hoc te fecundiore Radio Tingat.  
Quid verò extemporaneas recensq; natas delineationes esse dicis;  
nouì id quidem, & certò noui: utpote, qui sedulam tuam, in alijs  
quoque Natura Mysteriorij euoluendis, cum præcipue, in Spagyrica Cabala,  
diligentiam, vix è paucis cognoscam. Nihilominus, si, quæ extem-  
poranea, maturus effundit Animus, non possunt non esse matura. Ne-  
qu'enim prolixius digesta, felicius quoque semper proueniunt. Diuersa Pro-  
ceduntium fors: alia, Temporum tardis Reuolutionibus maturantur:  
alia, eorundem quasi Legibus exempta, impetus habent & Resolutiones  
momentaneas: quæ, si fermentantur diutius, nonis sæpe ac peregrinis  
implicata Ascendentibus, in Transplantationem minus felicem, degene-  
rant. Quæ cum ita sint, vir nobilissime, non desinam, quod verbis antea  
coram, id ipsum, nunc quoque, absens, à te, scripto efflagitare. Patere itaque  
mi Tycho, patere: & quæ ego sanctè volo, ea, ne tu nolis velle, etiam  
atque etiam rogo. Verum, quod si, totum opusculum, quod in iustam  
excreuit magnitudinem, edi, certas ob causas, non permittis: saltem hoc  
contentam, ut, quas Diario addidisti de noua hac & admirabili ad  
Cassiopeiam STELLA ( quæ nunc, tot tantisque fatigat & Genios  
& Ingenia ) doctissimas & verè Mathematicas considerationes, in lu-  
cem prodire sinas. Eas enim præcipue votis à te expectant omnes: &  
ve expectent, solida rerum Mathematicarum Scientia, quæ te excellere  
inter paucos Artifices sciunt, adducit. Quoniam, ut insolita &  
admirabilis planè, Iubaris istius generatio est; nec vulgarium Philoso-  
phorum*

*horum Decretis consona: ita quoque, non Vulgarem sui Observatorem  
 Dimensoremque, postulat. Eius quidem argumenti, aliorum quorundam  
 Scholae alijunde nobis allatas, videre contigit ( quas ad te mitto )  
 sed qua Observationum Methodo, quo Demonstrationum robore, rem  
 tantam aggressi, illi viderint. Ne igitur, hac in parte, cupida ho-  
 minum expectationi desis, amice oro. Ex nova hac face, Ingenij tui ac-  
 censam facem, errantibus alijs pralucere sinito, & Demonstrationum  
 Luce, Opinantibus Animis, Sacer illabere. Porro, huius, de nova hac  
 stella Tractatus, Epistolam tuam in Diarium ( si hoc, ut dixi, totum,  
 edi non permiseris ) adiungi velim: in qua, doctissime, totius Diarii  
 artificium Methodumque illam singularem, explicas. Etenim, hoc  
 mihi persuadeo, ex sola illa Praefatione, plus commodi Astronomiae stu-  
 diosis accessurum, quam ex prolixis multorum Commentarijs. Quoniam,  
 praeter ea, quae nunc dixi, attingis quoque ibi, praecipua in Astrologiis  
 Capita. Qualia sunt, quae de Octogonica caelestium Domorum partitione,  
 à reliquis, etiam caeli, & circulorum divisione, diversa, adfers: de horis  
 Zodiaci inequalibus: de Lunae Mansionibus ( in quibus duobus, bona  
 pars Aegyptiaca Scientia pendet ) de secreto illo Directionum Horos-  
 copi lunarium configurationum modo. Quae quidem Directionum  
 leges, Astrorum, in omnibus Elementis, silentes Periodos, fructuumque  
 Resolutiones, germinationes, Exaltationes, Anticipationes, Retardati-  
 ones, & reliquas Temporum Transplantationes metiuntur. Haec, si  
 rectius Meteorologis cognita essent, equidem, certiores haberemus  
 Astrorum effectus: nec instabilitatem Materiae ( quae tamen, suo ille-  
 cta sydere, pulchre illi, statim harmonica est, & sponte sequax ) im-  
 merito toties incusaremus: neque tam crebro, Artificum delinquentium  
 errata, Artis pulchritudinem deformarent. Harum & similium  
 rerum, cum abs te, in Praefatione illa, fundamenta, sparsim inserantur:  
 vellem, tanta utilitate, Astrologia Candidatos non priuari. Quibus,  
 & hoc, beneficij loco, à te donari vellem, ut illam, Eclipsos lunaris  
 anni huius labentis, pragmatiam, quam, & ex Alphonsino, & Coper-  
 niano calculo, tum propria motuum Observatione, ita extruxisti, ut  
 Paradigmatis absoluti loco esse possit, una cum tua in Vraniam Elegia,  
 praecedentibus omnibus quasi coronidem Muscam impositura, superio-  
 rum quoque comitem esse patereris.*

*Habes nunc, mi Tycho, quodnam petitionis meae caput sit: quid,*

*( :) 3*


*hac*

*hac à te Epistola efflagitem. Quæ, si honesta sunt : si Reipub. Utilia : si ab omnibus bonis , mecum , expetita : debebis utiq, Amici desiderio et expectationi satisfacere : et quæ Reipub. Astronomica à te debentur studiorum primitias , lubens offerre. Quod quidem ut facias inprimis, Amicitia nostra poscit : Genius admonet : Vrania mandat : Mercurius ( si remis ) Caducei tibi posthac vsuram denegat.*

*Vale, et nobilissimum virum Dominum Stenonem Bilde , Aun-  
culum tuum, doctissimum illum , in hoc Aquilone , Musarum , omniumq,  
liberalium inuentionum Fautorem , meis verbis officiose*

*saluta. Hafnia 3. Maij. Anno  
salutiferi partus*

*1 5 7 3.*



**IOHAN.**

IOHANNI PRATENSI,  
DOCTORI MEDICO,

*Amico optimo,*

TYCHO BRAHE

*Orthonides,*

S. D.



**R**ECEPI LITERAS TVAS, CLARISSIME Doctor Iohannes, amicorum optime: in quibus, id, quod tu, una cum alijs viris doctis, amicis nostris, toties, Hafnia coram postulasti, nunc denuò, scriptis, absens non cessas efflagitare: vt nimirum, Diarium illud Astrologicum & Metheorologicum, à me circa elapsæ hyemis initia elaboratum, nunc demum typis mandari & publicè edi, amplius non recusem. Multas, vt in tuam descendam sententiam, & eas quidem iustas, nec facile aspernendas, adducis rationes; verùm, cùm meo me pede metior, id quod sapius tibi & alijs hæc eadem à me postulantijs respondi, non possum non adhuc respondere: me, non statuere, id scriptum, ea diligentia absolutum, & ad eam maturitatem deductum: vt dignum sit in lucem prodire, ac manibus teri doctorum. Nec enim, euni in finem iste labor à me susceptus est, vt, publicè edi velim; sed saltem, meipsum & domesticos amicos, hac qualicumq; diuerſi Astrologica & Metheorologica descriptione, oblectandi gratia. Nam, & Adrianum Imperatorem, sibi quotannis prognostica ex astris conscribere, non erubuisse legimus. At si in publicum emittere decreuissem, maiorem sanè in eo conficiendo adhibuissem diligentiam: & multa, quæ passim defulerantur, ac silentio, ob festinationem præterita sunt, suis numeris absoluissem: multa, oscitanter & currentij calamo inserta, deliberatius expendissem. Non enim, vt verum fatear, mihi ipsi in omnibus satisfacio: nec facile erat, tot alijs negotijs, tum præsertim Spagiricis meis exercitijs occupato, quiddam perfectius, magisq; enucleatum, pro ea temporis exigua occasione, in tam difficili, & à paucis hætenus rectè tractata materia, præstare. Sed his, tu, pro tuo illo, erga nos, singulari & beneuolo affectu, candidè obuias: asserens, scriptum illud, etsi extemporaneum sit, & propter alias occupationes ad perfectam maturitatem non elaboratum: tamen eiusmodi esse, vt non sine fructu ab harum Artium studiosis legi possit: multaq; in eo contineri, qua

ri, quæ *Astronomia Candidatis* (si ederentur) ingrata non essent futura. Ista potius, beneuolæ tuo et sincero animo, quo omnia candidè interpretaris, et propenso, erga nos, nostraq; studia, fauori, tribuo; quàm, quod reuera agnoscam, tale aliquid, à nobis, ea in re præstitum esse. At demus, non sine fructu aliquo, ab *Astronomia* studiosis legi, id qualecumq; est, posse: et nonnulla in eo contineri, quæ ad *Artis* penitentiorem inquisitionem utiliter admonentur; proptereaq; edi non recusarem: qui tamen, quæso, multiplices illæ *Figurarum octogonicarum* delineationes, in priori, vel *Directionum* intricatæ denotationes, in altera facie, assignatæ, arte impressoria exprimi faciliè poterint? ut nihil dicam de cæteris diuersimodis figuris et characteribus, quibus tertia facies, *luminarium exortus et occasus, cœdientiaq; et cœcidentes fixas* exprimit: aut quarta, reliquorum *Planetarum cum Fixis per Horizontem transitum, eorundemq;, tum inter se, tum quò ad fixa sidera, ipsamq;, Lunam, varias configurationes*, ob oculos ponit. Quis, inquam, omnia illa, in *Typographicum* laborem faciliè cadunt? Sunt enim omnes figura de nouo sculpendæ, et characteres ac numeri, pro varia, quam habent forma et quantitate, variè ordinandi: ut non exiguum temporis interuallum diffunderet, antequam is labor absolui posset. Adde, quòd hic labens annus, cui *Diarium* illud adaptauimus, dimidia fere sui parte iam absolutus est: ut si, nunc, tandem ederetur, omnem gratiam amississe non immerito videatur. Has tu, ut opinor, animaduertens difficultates, si non totum *Diarium* concessero, saltem *Epistolam* dedicatariam, qua illud opusculum veriusq; *Astrologia* cultoribus inscripsi, imprimi postulas. In illa enim asseris totam *Diarii* rationem explicatam esse, et plurima aliter proponi, quàm hactenus recepta tulerunt sententia. Fateor id quidem: et quæ in ipso *Diario* aliter à nobis elaborata sunt quàm communiter fieri solet, illa præsertim, in hac *Epistola* latius declaravi: usitata uerò et uulgaria, aut obiter attigi, aut prorsus silentio præterij. Sed ipsa *Diarii* descriptio, ita cum hac *Epistola* coniuncta est: ut, si alterum demas, neutrum perfectè intelligi possit. Multa siquidem in *Epistola*, vel prætermissa, vel breuiter tacta, quæ in ipso *Diario* sponte sese offerunt: at, econuersò, multa, in hoc assignata, quæ sine *Epistola* declaratione à quouis facile non percipiuntur. Vides nunc, mi *Pratensis*, quanta me remorentur obstacula, quo minus votis tuis, in publicando *Diario*, facile assentiari possum.

De Stella verò, qua superiorj anno prope Cassiopeiam fulgere cepit, quod expetis: ut si totum Diarium publicarij non admiserim, saltem ea, qua, de hac, à me conscripta sunt, ipsiq; Diario praefixa, in lucem prodire concedam: id enim votis omnium maximeperere à me desiderari affirmas. Huic quidem petitionj facilius annuere possem, nè eadem prorsus ratio me retraheret, qua Diarij editionem iam antea excusabam. Ista etenim, qua de hac stella, superiori Decembri exaravimus, non minus quàm ipsum Diarium, sunt immatura, & festinanti calamo, obiter annotata; ut indigna mihi videantur publicari ac in Eruditorum manus venire. Neq; enim, eam ob causam à me suscepta sunt, ut publicè edi, & à quibusq; legi vellem: sed, cum hac stella, in Novembrij, superioris Annj, mihi solita more sidera lustranti, ex inopinato apparuisset: rei inaudita novitate impulsus, capì eam organis Astronomicis demetrij (quemadmodum in cæterorum & visitatorum siderum observatione, ab incunata ætate diligentior fui) partim, ut ea, qua in hac sidere per instrumenta deprehenderem, cæteris, à me factis Astrorum observationibus, adiungerem; partim, ut nonnulla, qua ex observationibus concludi & demonstrari poterant, chartis mandata, Diario nostro praefigerem. Vtiliter enim, illud, qualicunq; eius stella descriptione, ornari posse iudicavi: cum ipsa etiam stella apparitio, labentem hunc annum proximè antecesserit. Minime autem omnium decrevi, ea (ut prius testatus sum) in lucem aliquando prodire: aliàs, integrum, per se, absq; Diario, hac de stella conscripsssem libellum: maioremq; in eo elaborando, sedulitatem adhibuisssem: cum non dubitem, hac inauditum stella illius miraculum, multorum, per universum orbem Doctorum virorum fatigare ingenia: & si qua, hac de re, à quoq; conscripta viderint, auidè arripi, & pro cuiuscunq; capiti variè diiudicari. Veruntamen si id quicquid est de hac nova stella pagellarum mi Pratenfis, tibi eiusmodi esse videatur, ut sine magna reprehensione publicari, ac ab eruditis legi possit; tuo arbitrio, ut imprimatur ac in lucem prodeat, concedo: ne nimium videar tuis petitionibus resistere; & plus, his, amicitia nostra detrahere, q̃ fortè in ipso scripto desiderari possit. Vt autem, hac in re, nunc tandem tua assentiar petitioni, faciunt, non solùm plurima & iusta, quibus in literis tuis me urges, adhortationes; sed, ut verum fatear, charta illa, de hac stella, è Germania, ad nos allata, quas mihi, nunc, unà inspiciendas misisti,

(::)



misisti, plurimum me eò impulerunt, ut nostras, de eadem, Obseruationes, & iudicium, publicare tibi nunc tandem concedam. Quæ enim hæcenus, hac de re, à diuersis, in Germania conscripta accepimus; ea (saluo tamen cuiuscunque honore) non satis suis numeris constare arbitror. Nam, ut de cæteris taceam, quod hanc Stellam inter Cometarum species referant, ac 12. saltem, vel, ut quibusdam placet, 15. ad summum, abesse à nobis, terræ semidiametris existiment, plurimum hallucinantur. Nos etenim, Obseruatione diligenti facta, deprehendimus eam, tam vertici quàm Horizonti proximam, unam eandemque, præcisè, à Schedir Cassiopeia (cum qua, Stella hæc ferè Meridianum transit) obtinere distantiam: ut in ipso scripto latius videre licet. Vnde, necessariò, nullam habebit aspectus diuersitatem. Ideoq; non in elementari orbe, infra Lunam (ut illi putant) sed longè supra, in ipso cælo, locum obtinere hanc Stellam, Mathematica certitudo postulat. Perfecti autem hanc Obseruationem, magno & exquisito instrumento, peculiari quadam ratione ita fabrefacto, ut Stellarum intercapedines, eius beneficio, longè certius & exactius indagari possint, quàm vel per Radium Astronomicum, vel aliud quoduis, huic officio, hæcenus deputatum organum. Hæc enim omnia, ob varia impedimenta, præsertim anguli exquisiti recti; parati difficilem; ut aliquamdiu durare possit fabrefactionem, nobis semper suspecta fuere. Neq; enim ignoro, per altitudinem Stellæ maximam & minimam, data prius Poli altitudine, beneficio Quadrantis, idem præstari posse: facilius tamen, error hoc modo committitur: tum propter altitudinis polaris exquisitissimam & in ipso Minuto (ut hic opus est) difficilem, penèq; ob varia requisita, impossibilem cognitionem: tum, quia temporis momentum, quo Stella ipsa Meridianum transit, & in minima ac maxima existit altitudine, adeò exquisitè, ut opus est, vix certò dignoscitur. Adde, quod huic obseruationi, Quadrans mira magnitudinis necessarius erit, qui suâ capacitate non solum singula Minuta: sed etiam Scrupulorum aliquas partes continere possit: qualem ante triennium, prope Augustam Vindelicorum, in horto Pauli Hainzelij, viri Patricij, & eius Reipublicæ Consulis, Mathematicarum rerum amantissimi, extrui curauimus; cuius Semidiameter 14. cubitos exuperat.

Sed quò digredior? hac, inquam, ratione, certò deprehendi, hanc Stellam, longè ultra Spharam Lunæ à nobis abesse: omninq; eius locum carere,

earere, visus diuersitate: cum tamen, si 15 saltem remoueretur terra  
 semidiametris, ut illi sentiunt, in circulo Verticali, Horizonti vicina,  
 paralaxin 3 Grad. plus  $\frac{1}{2}$  induxisset: sin verò 12. saltem (ut alij vo-  
 lunt) eandem, 4 partium cum  $\frac{1}{4}$  effecisset. Hæ verò tantæ differentie  
 loci illius, à maxima altitudine in minimam, etiam sine instrumento,  
 solis oculis, diligenter consideranti animaduerti poterant. O crassa in-  
 genia. O cæcos cæli spectatores. Ex his insuper manifestum euadit,  
 quàm consideratè & verè, hanc Stellam inter Cometas numerarim: si  
 negetur ijs, in orbe elementari eam existere: cum, ipsa etiam forma, ab  
 omnibus vlla ætate hactenus visis Cometis, longè differat; & veris æ-  
 genuinis Stellis sit quàm simillima. Nam, quòd quidam possibile ex-  
 istimauit, caudam eius sursum projici, & solùm illud rotundum caput  
 nobis obiectum esse; tandemq; futurum, ut caudam ad nos conspicien-  
 dam reclinet: is, non satis animaduertit ea, quæ à quibusdam veteri-  
 bus, & nostro quoq; æuo, diligentius à Clariss. Mathematicis Petro  
 Apiano, ac Gemma Frisio, deprehensa sunt: caudam omnium Cometa-  
 rum, semper directè in oppositam soli partem vergere: adeò quod nonnul-  
 li hinc dubitarint, an cauda illa, aliud quiddam sit, nec ne, q̃ refractio  
 quædam radiorum Solarium, corpus Cometæ densiusculum penetrantium.  
 At si aliquis contendat hanc Stellam esse ex peculiaribus illis Cometarum  
 speciebus, cauda destitutis, quas Veteres, Crinitas appellarunt: vbi igitur  
 crines, instar flammei orbis vndiq; equaliter circumfusi? Si verò  
 inter eas, quæ Rosæ dicuntur, vbi lata & ampla rotunditas, per se qui-  
 dem fulgens, & ignea, à margine verò raros ac subobscuros diffundens  
 radios? Hæc enim Stella, prorsus his omnibus caret; nullamq; caudam  
 vel in longum, vel in rotundum projicit. Nisi quis, radios illos, qui ab  
 initio, cum maior esset, apparebant, barbam vocare velit: eadem sanè  
 ratione & Sirium, Arcturum, Procyonem, Lyram, reliquasq; insigni-  
 ores Fixas, Cometarum nomine appellabimus: cum hæ, non minus scin-  
 tillantes radios vndiquaq; spargant. Quapropter, hanc Stellam longè  
 differre à Cometis iudico; nec similem illi visam à temporibus Hyp-  
 parchi hactenus existimo: ut vt nonnulli Cometarum exigui, & sine  
 caudis interea apparuerint: nisi quis per observationes tunc temporis ab  
 Artificibus factas, conuincet, eos, veris & genuinis Stellis simillimos  
 fuisse, & non in elementari orbe, infra Lunam; sed in ipso cælo, ut nos,  
 in hac Stella demonstrauimus, constitisse. Nec id quidem, quod hæc

ipsa Stella, tam colore, quàm magnitudine alteretur, necessariò eam inter Cometarum species numerandam esse cogit. Imò verò, si successus imminuta, tandem ( quod Mense Septembri, vel ad summum, Octobri proximo, seruata decrefcentia proportionem, futurum auguror ) conspici desinat : minus, miraculi loco ducam, quàm si perpetuam in cælo cum reliquis sideribus sedem sibi vendicet. Quæ enim post absolutam totius Vniuersitatis in Initio completionem, miraculose in Natura aliquando existunt ; ea, ut etiam ante Vniuersitatis finitam Periodum, esse aliquando desinant, mihi apprime consentaneum videtur. Cùm itaq; nostra, de hoc nouo sidere, sententia, plurimum differat ab ijs, quæ in chartis illis à Germania ad vos allatis continentur, et nos, obseruationes nostras certo Demonstrationum robore fulciamus; nolui harum rerum auidos suo fraudare desiderio, tuisq; et aliorum amicorum petitionibus diutius resistere : sed ut prius concessi; ita et nunc concedo; ut illud quicquid est de hac noua Stella libelli publicetur, ac typis, tuo arbitrio, mandetur. Mitto tibi itaq; totum Diarij opusculum, ex quo partem illam, quæ de hac Stella tractat, excerpere poteris; ac Typographo vestro excudendam tradere. Nihil in ea mutari, præterq; ea, quæ hactenus in ipsa Stella à prima apparitione, eod. tempore quo ista scripsi, mutata deprehendi : hæc breuiter in margine annotaui ; ut debito, et signato loco, à Typographo ceteris interferi possint. Imò verò, si ne nunc quidem cessas Epistolam in Diarium dedicatariam vnâ efflagitare, et hanc, aliquid utilitatis, per se, etiamsi Diario priuatur, Lectori adferre posse existimas, non usq; adeò renuo, ut ipsa, Tractatui De Stella subiungatur. Eclipsis etiam Lunaris pragmatian, et iudicium de eius effectibus, admitto ut prioribus adiungas ; vnâq; extemporaneam illam in Vraniam Elegiam : ut tandem votis tuis in omnibus satisfiet. Sin verò, aliqua in his singulis reperiuntur, quæ non satis suis numeris absoluta sunt, et in reprehensionem ab eruditio, forte, venire possint : tu, non minus quàm ego, culpam mereris, qui immaturos factus in lucem prodire cogis. Titulum verò libelli, tuo arbitrio ordinandum relinquo : id saltem expetens, ut nomen auctoris, vel supprimas, vel per Anagrammatismum inuertas ; modò tibi sic consultum videtur. Eo enim nunc peruersitatis degenerauit iudicium hominum ; ut pleriq; ingens dedecus existiment, si quis nobili genere oriundus, aliquid in liberalibus et sublimioribus, Sciencijs audeat : præsertim verò in his, quæ præ-reli-  
quia

quis Artibus non solum plebecula indocta; sed multis aliis eruditis (excusante utroq; ignorantia) exosa et ridicula sunt. Quamuis (ut verum fatear) non multum morer horum insulsus iudicium. Quae enim per se recta et honesta sunt, non possunt, ob ignari vulgi peruersam opinionem esse non recta et inhonesta.

Optassem autem quaedam in his omnibus, quae edi postulas, nunc tandem emendare, addere, minuere, transponere, et in meliorem formam redigere: sed plurimis nunc obruo negotijs, quo minus id prestare possim. Ab una enim parte, domestica cura, et alia quaedam studia, quae nunc praemanibus habeo; ab altera, nobilium et amicorum conuersatio, quibus non minimum temporis dispendij debetur, nos ita distrabunt, ut nihil in eo emendare aut restituere nunc vacet:

Et nos, ecce, alius labor haud inglorius urget:  
 Sat Caelo Musisq; datum, sat Vesta tulisti,  
 Sat natale solum, et dulces rapuisti Amici:  
 Terra videnda etiam, restat nunc deniq; Terra,  
 Per varias obeunda vias, varioq; recessus.  
 Nunc iuuat egregio qua pulchra geruntur in Orbe  
 Cernere, et humano qua passim inuenta labore,  
 Diuersosq; Hominum late cognoscere mores.  
 Hoc iubet ille vigor inueniendi in pectore firmus,  
 Hoc iubet egregias Artes, et multa sciendi,  
 Multaq; lustrandi nobis innata cupido.  
 Nec mea me Patria, nec me remorantur Amici.  
 Omne solum, Forti, Patria; et bene viuit ubiq;  
 Omnis terra suos passim largitur Amicos.  
 Tandem tempus erit gelidam remeare sub Arcton,  
 Trita exempla sequi, Cyathis, Canibusq; Caballisq;  
 Et fastu et luxu (quid enim, si talia desint  
 Deniq; Nobilitas poterit sensisse beatum)  
 Perdere cum reliquis reliquos inglorius Annos,  
 Me nisi, (ut opta) Deus, Fata ad meliora referuet.

Sed tu, optime Pratenfis, id tibi persuasum habeas, me, quae me  
 nunq; feret tellus, quocunq; sub axe, aspiciam tacito labentia sidera caelo,  
 semper tui memorem amantemq; permanfurum: neq; enim corporum lo-

calis ista separatio, Animorum (qui à locorum miseris angustiis liberri-  
mi sunt) coniunctionem diuellet. Etenim, quæ in Interiore illa & beati-  
ore Natura radices egerunt; ut felicitis illius sunt Æternitatis germina:  
ita quoq; Exterioris huius & Postremæ Reipub. euanidis Legibus  
nequaquã sunt obnoxia. Et, quãvis corporeis hisce Elementis implicati,  
Sensibilis oculorum radio, Locorum improbitate interpellati, alter alte-  
rum Contingere nequeat: non tamen, ita penitus in artum cogetur au-  
gusta illa Interioris Luminis maiestas; quin, quaquaueversum, quò  
Pulchritudo & sacer Amor, illicitum, libere pemeet; perrenniq; Ra-  
diorum Emissione & Reflexione, correspondentem sibi & consimilem  
Naturam, Tingat. Quinimo, quantumvis dissita nos habebunt ter-  
rarum spacia, eundem tamen Solem, Lunam, eademq; Sydera (quæ no-  
stra est voluptas) iucunde simul Intuebimur:

Et quia disiunctis, Radios coniungere in unum  
Non licet, & nosmet posse videre simul:  
Iungemus radios radijs radiantis Olympi,  
Quando micant clavo, Sydera clara, Polo.  
Tunc ego, quam specto, figens mea lumina Cælo,  
Est quoq; luminibus, Stella videnda, tuis.  
Sic oculos pariter Cælum coniunget in unum;  
Nostra licet iungi corpora Terra vetet.

Spero autem me, ante discessum, Hafnia vobis affuturum: tu  
verò interea instiga Artifices, ut globus noster aneus optimè inaretur;  
& exquisitè, prout illis iniunxi, primi mobilis luminariumq; contrari-  
um cursum, quantum quidem fieri potest, amuletur. Instrumentorum  
etiam cæterorum, apud suos Artifices, eam, quam illis demandavi, di-  
uisionem & perfectionem vrge; ut omnia illa parata inueniam, vbi  
Hafniam ad vos venero. Interim tu, clariss. Domine Doctor, sanus  
vale: imò verò, Medicus cum sis, tute, fac ut sanus  
valeas. Saluta Amicos. Data Knus-  
dorp die 5. Maj, Anno  
1573.

DE





# DE NOVA ET NVL- LIVS ÆVI MEMORIA, A MVNDI EXORDIO PRIVS CONSPECTA STELLA, *quæ in fine Annj superioris omnium pri- mò apparuit.*

**A**NNO PRÆCEDENTE, MENSE  
Novembrj, die eiusdem vndecimo, vesperi  
post Solis occasum, cum meo more sidera cælo  
sereno contemplerer, nouam quandam &  
inuisitatam, præq̃ aliis admodum conspicuam, iuxta ca-  
pitis verticem, animaduerti fulgere Stellam: cumq̃  
mihi, qui inde ferè à pueritia, omnia cæli sidera perfectè  
(non enim magna huic scientiæ inest difficultas) cogni-  
ta haberem, satis euidenter constaret, nullam in eo cæli  
loco vnquam antea extitisse, vel minimam, nedum tam  
conspiciuæ claritatis stellam: in tantam rei istius admi-  
rationem sum adductus, vt de fide, proprijs oculis adhi-  
benda, dubitare non puduerit. Cum verò & ab alijs loco  
monstrato conspici posse animaduertissem, stellam re-  
uerà illic apparere, nullum mihi amplius mouebatur du-  
bium. Miraculum sanè inter omnia, quæ à mundi exor-  
dio, in tota rerum natura extiterunt, aut maximum, aut  
illi certè æquiparandum, quod in Solaris cursus retenti-  
one, Iosue precibus impetrata: vel eiusdem obscuratio-  
ne, tempore Victimæ cælestis facta, contigisse sacra te-  
stantur



stantur oracula. Omnibus enim Philosophis constat, &  
res ipsa non obscure declarat, in ætherea cælestis mundi  
regione, nullam fieri alterationem generationis vel cor-  
ruptionis: sed cælum & quæ in eo continentur ætherea  
corpora, non augeri, non imminui, non variari aut nu-  
mero, aut magnitudine, aut lumine, aut quavis alia ra-  
tione: sed semper idem, sibiq; in omnibus simile, nullis  
terentibus annis permanere. Testantur insuper omni-  
um artificū, millenis aliquot ab hinc elapsis annis, factæ  
observationes, stellas omnes, eundem numerū, situm, or-  
dinem, motum, & quantitatem, semper retinuisse, qua-  
lem nostra etiam ætate, ab ijs quos cælestium rerum ca-  
pit delectatio, observatione diligentij facta, seruare con-  
spiciuntur. Nec vnquam ab vllō artifice antea obser-  
uatum legimus, nouam aliquam in cælesti mundo exti-  
tisse stellam, nisi à solo Hipparcho, si Plinio adhibenda  
est fides. Hipparchum enim aliam à reliquis omnibus  
prius conspectis, sua ætate genitam animaduertisse stel-  
lam, autor est Plinius, Naturalis historiæ libro secun-  
do: Cuius verba, cum vt in cæteris, ita & hoc in loco sint  
illustria & magnifica, non abs re duxi hic annotanda.  
Idem (inquit) Hipparchus, nunquam satis laudatus, vt  
quo nemo magis approbauerit cognationem cum ho-  
mine siderum, Animasq; nostras partem esse cœli, no-  
uam Stellam & aliam æuo suo genitam depræhendit,  
eiusq; motu, qua die fulsit, ad dubitationē est adductus,  
anne hoc sæpius fieret, mouerenturq; & ex, quas putas-  
mus affixas. Idemq; ausus rem etiam Deo improbam,

ans

annumerare posteris stellas, ac sidera ad normam ex-  
 pangere, organis excogitatis per quæ singularum loca  
 & magnitudines signaret, vt facili ex eo discerni posset,  
 non modo an obirent, nascerenturue, Item an cresce-  
 rent, minuerenturue. Cœlo in hæreditate cunctis rez-  
 licto, si quispiam qui rationem eam caperet, inuentus  
 esset. Hæc plinius. *Licet verò illa Plinij verba non ob-  
 scurè testentur, Hipparchum veram stellam in ætherea  
 regione, suo æuo genitā deprehendisse, & hac occasione  
 reliquarum omnium loca, instrumentis debitis (quod nula-  
 lus ante ipsum præstitit) signasse, vt posteri scirent ara  
 sæpius hoc fieri posset: tamē non dubitauit interpretes Plin-  
 ij Milichius, illa in Cometa alicuius apparitionē detor-  
 quere, rei potius incredibilitate, & omniū Philosophorū  
 refragante iudicio, quàm autoris sententia eò perductus.  
 Quàm enim perperam, de Cometa, hunc locum Plinij in-  
 terpretatus sit, nemo refragabitur, qui penitus citata  
 Plinij verba introspexerit. Et quàm quæso absurdū est  
 affirmare Hipparchum, virum in omni scientiarum ge-  
 nere excellentem, præq̃ aliis in Mathematicis summum  
 artificem, non sciuisse melius inter veras æthereæ regio-  
 nis stellas, & aeris igneum Meteoron, quod Cometam  
 vocant, discernere, quàm vt per hanc occasionem omni-  
 um affixorum siderum catalogum & situm, diuino po-  
 tius quàm humano labore, posteris relinqueret. Vt tace-  
 am, quàm ridiculum sit, quod idem Plinij commentator,  
 ex verbis prædictis asserat, Hipparchum per istius Co-  
 metæ motum (Cometam enim fuisse hanc stellam opina-  
 tur)*

tur) *Stellarum fixarum situs, & motum, deprehendisse, cum omnium Cometarum cursus sit enormis, instabilis, celer, & vagabundus: stellarum verò in octauo orbe affixarum motus regularis, certus, vniformis, adeòq; lentus, vt vnus hominis ætate vix progredi animaduertantur. Hæc non vlllo carpendi studio commemoro. Non enim est candidj & ingenui ingenij, aliorū labores deprauando calumniarij: sed monere saltem volui, ne alij, huius interpretis, viri docti autoritate freti, ad Comete alicuius, & non veræ stellæ apparitionem, Plinium detorquerent. Mihi sanè dubium non est, Plinium per hæc verba, significasse, Hipparchum veram stellam & genuinam in cælo, suis temporibus primùm natam, deprehendisse: Alias enim nec ipse quicquam noui, aut admiratione dignum, de tanto viro retulisset, cùm Comete crebrius conspiciantur, & à quouis etiam Mathematicum imperito animaduertantur. Quæ autem & qualis hæc fuerit, & an rursus euanuerit nec ne, quoniam ex Plinij verbis colligi non potest, in dubio relinquimus. Nec simile quidpiam, vel ante Hipparchi tempora, vel etiam post, annis iam elapsis mille septingentis, ab vlllo artifice (vt dixi) sæpius obseruatum esse legimus, priusquam hac nostra ætate, illa, de qua nunc sermonem instituimus, conspici cæpit. Quòd verò illa, neq; sit in Elementari & aërea mundi regione apparens igneum aliquod meteoron: sed inter cælestes orbes locum obtineat, postea demonstrabimus. Apparet itaq; quàm sit hæc*

res

res inusitata, quàm admiranda, quàm deniq; omnibus Philosophis incredibilis, nouam & aliam à prioribus nunc demum in cælo prodysse stellam. Nec Theologis, qui aliàs multa in mundano orbe miraculosè contingentia, per diuina mysteria excusare possunt, sufficientes reddere causas eius rej, possibile existimo. Illis enim per Mosis de mundi fabrica historiam, compertum est, Deum auctorem Vniuersi, ex quo cælos & Elementa, cum omnibus suis ornatibus absoluisset, quieuisse ab omni opere, nec vllam postea rerum nouam condidisse speciem. Scio tamen aliquos ex occultiori quadã, & nostro sæculo primùm in lucem producta Philosophia asserturos, possibile esse hanc stellam in veteri Iliado (libet enim eorum vocabulis vti) hætenus latitasse, & nunc demum maturatione sui absoluta, mortalibus conspiciendam prodysse. Etsi verò nunc non disputem de huius nouæ (ut putatur.) Philosophiæ certis vel ambiguis fundamentis: & non ignorem, ex illa, multarum in Natura abstrusarum rerum, & à vulgaribus Philosophis vel incognitarũ, vel minus rectè intellectarum, causas & progressus explicari, posse: tamen mihi verosimile esse, ut hoc miraculum ea ratione sufficienter saluetur, vix persuadebitur. Nam si huiusmodi in cælo (quod illi quartum & igneum Elementum, non dubitant, suis ducti rationibus, appellare) fierent generationes, cur non sæpius tot elapsis seculis, in tanta cælij vastitate, animaduersum est noua prodire sidera? Et cur illa quæ hætenus apparuerunt

erunt nullam inde à mundi exordio , magnitudinis, luminis, coloris, vel ordinis perpeſſa ſunt alterationem? Id enim in tanto temporis interuallo, & tanto ſtellarum copia, fieri oportebat, ſi cælo eiſmodi competeret generationis & corruptionis neceſſitas. Taceant igitur omnes Philoſophi, ſeu veteres, ſeu noui: taceant ipſi quoq; Diuinorum Myſteriorum interpretes Theologi: taceant cæleſtium corporum contemplatores Mathematici, nec de modo generationis huius ſtellæ & tanti miraculi excuſatione, ſe aliquid certi conſtituere poſſe exiſtiment. Nec eſt quòd aliquis ſibi perſuadeat, hanc ſtellam ſimilem eſſe illi, quæ Magis Orientalibus, cùm Saluator mundi naſceretur, apparuit. Illa enim non in cælo inter reliquas ſtellas: ſed in ima aëris regione, non procul à ſuperficie terræ locum obtinebat. Aliàs enim nec motu ſuo, iter, Saluatorem quærentibus, nec quiete, domum in quo inueniretur, oſendiſſet. Sed cum toto cælo circumuoluta, nullū habuiſſet tam exigui ſpacy in orbe terreno reſpectum: cùm tota terra, cælo collata, non habeat ſenſibus incurrentem magnitudinem. Adde quòd illa ſtella ſolis Magis ab oriente profectis, vt Dominū adorarent, illiq; tanquam Regi, Deo, & Homini, munera, Aurum, Thus, Myrrham offerrent, apparuit: ſiue quod Deus peculiaritè eorum mentes & oculos illuſtrauerit, vt illi à longinqua & ignota regione venientes, eum agnoſcerent, per quem omnia facta ſunt, humanam induiſſe naturam, quem proprij Iudæj, inter quos naſcebatur ignorabant:

rabant: siue quod hi sapientes homines, per occultioris & incognitarum rerum indagatricis Magiæ cognitionem, ea viderint & intellexerint, quæ reliquis hominibus, huius scientiæ ignavis, occulta erant: vnde etiam non immeritò Magorum appellationem in sacris literis sortiti erant. Sed qualis ea fuerit stella, quæ illis apparuit, non est huius loci scrupulosius indagare, cum ipsis etiam Theologis, ob Magiæ ignorantiam, nihil in hac re certj constet. Sufficit enim demonstrasse hanc nouam & inusitatam stellam, quæ nuper apparuit, nullam habere cognationem cum illa, quæ Magis conspiciebatur: nec posse eius generationis modum saluari, vel à Theologis, vel à Philosophis, nec ab ipsis etiam Mathematicis. Reliquum igitur est, vt statuamus Dei totius Machinæ mundanæ opificis, admirandum hoc esse Ostentum, præter omnem naturæ ordinem, à seipso in initio constitutum: nunc demum aduersperascenti mundo exhibitum. Diuina enim maiestas liberrimè agit, nec vllis obstricta est Naturæ vinculis, sed cum vult, sistit aquam fluuiis & vertit sidera retrò.

*Hæc potuit Solis currus inhibere volantes,*


*Cum Populi Israël dux Iosue sterneret hostes.*

*Hæc potuit Solis sine Luna, extinguere lumen,*

*Cum suus est factus pro nobis victima Gnatus.*

*Quapropter etsi de hoc nouo & nunc primum nato  
fidere, aliqua in medium adferre constituerim: tamen de  
eius*

eius generatione, & quibus rationibus extiterit, me  
 nihil affirmare posse, ingenuè fateor: sed solum ea, quæ  
 ad Mathematicam considerationem spectant, excutiam.  
 Dicam enim de eius, quo ad fixas & Zodiacj longitu-  
 dinem, latitudinemq; positu: de ipsius à Terra, centro  
 Vniuersi, remotione: nec non de eiusdem magnitudine,  
 lumine, & colore: quibus etiam de huius stellæ  
 effectibus, ab Astrologia petitas con-  
 iecturas subiun-  
 gam.



DE

# DE HVIVS NOVÆ STELLÆ IN COELO, QVO AD FIXAS positu, & ipsius quo ad Zodiacum, longi- tudine & latitudine.




Onspiciebatur hæc recens nata Stella in Bore-  
alij cœlij plaga, versus polum Arcticum, iuxta  
constellationem, quam veteres Magi Cassio-  
peam appellarunt, vicina parvæ istj Stellæ,  
quæ est in Cathedræ medio loco, modicum ab ea versus  
Cepheum remota. Constituebat etiam cum suprema Ca-  
thedræ, & ea quæ in pectore Schedir appellatur, eaq̃  
quæ iuxta incurvationem qd ilia tendit, figuram qua-  
drilateram. Sed vt tota res melius cognoscatur, præci-  
puas Stellas sideris Cassiopeæ, vnâ cum huius nouæ ad  
illas positu, oculis subyciam.

B

A caput



*A caput Cassiopeæ*  
*B pectus Schedir.*  
*C Cingulum*  
*D flexura ad Ilia*  
*E Genu*  
*F Pes*  
*G suprema Cathedra*  
*H media Cathedra*  
*I Nova Stella.*



Distantiam verò huius stellæ à fixis aliquibus  
 in hac Cassiopeiæ constellatione, exquisito instrumento,  
 & omnium minutorum capaci, aliquoties obseruavi. In-  
 ueni autem eam distare ab ea, quæ est in pectore, Schedir  
 appellata B, 7. partibus & 55. minutis: à superiori  
 verò

verò sellæ G, partibus 5, minutis 21: à flexura deniq;  
 & ea, quæ iuxta illa D, 5. partibus minuto 1. Ex his  
 distantijs huius nouæ stellæ à dictis fixis, ipsius locus  
 incidit, quo ad longitudinem in 7 G: 8, cum latitu-  
 dine Septemtrionalj 54 ferè partium, paucissimis vtro-  
 biq; neglectis minutis: idq; potissimum per duas ultimas  
 distantias, à flexura videlicet, & suprema Cathedræ  
 innotuit. Nam si harum duarum fixarum loca, secun-  
 dum longitudinem & latitudinem nota, præsuppona-  
 mus, non latebit scientiæ triangulorum sphaericorum  
 gnaro, noui sideris ab æquinoctio verno in longitudo-  
 nem, & ab Eccliptica in latitudinem remotio. Sint  
 enim euidentioris demonstrationis gratia, in sequenti  
 figuratiōe, duæ stellæ fixæ sideris Cassiopeiæ A & B:  
 quarum A sit illa in Cathedræ parte superiore, quam  
 alij in ascensu medio collocant: B verò illam, quæ in  
 flexura est, iuxta illa, representet: C autem locum nou-  
 uæ stellæ, & A C, arcus distantia eius à suprema  
 Cathedræ: C B, arcus inter hanc & flexuram inter-  
 ceptus: & A B, arcus intercupedinis vtriusq; fixæ.  
 Sit insuper G polus Zodiaci Boreus, à quo duo qua-  
 drantes descendant in Ecclipticam, per prædeterminatas  
 fixas in A & B positas. Per A quidem G, D: per  
 B verò G F. erit itaq; D F arcus Ecclipticæ  
 dirimens vtriusq; fixæ longitudinem, & A B, atq;  
 B F, arcus latitudinum earundem fixarum. Pari ra-  
 tione à polo Zodiaci, per locum nouæ stellæ in C positæ,

ducatur quadrans in Ecliptica  
 cum, quæ hinc G. E. erit. Ita-  
 que E. locus longitudinis  
 novæ stellæ, & D. E. arcus  
 differentiæ longitudinis hu-  
 ius à priori fixa in A posi-  
 ta. C E. verò arcus latitu-  
 dinis, seu remotionis ipsius  
 ab Ecliptica. Præsupponan-  
 tur autem loca longitudinis  
 & latitudinis Fixarum,  
 qualia Copernici abacus,  
 adiecta æquinoctij præcessio-  
 ne, indicat, ut sit longitudo  
 prioris stellæ A in 29. G. 0.  
 M. ab æquinoctio verno, id-  
 que in puncto D, cum lati-  
 tudine boreali 55. G. 40. M.  
 quam representat (ut dixi)  
 arcus A D. Longitudo au-  
 tem posterioris in B posita,  
 sit in 7. G. 50. M. 8. Idq.  
 in puncto F, cum latitudine  
 boreali 49. G. 0. M. quam  
 designat arcus B. F. Hinc  
 lubet indagare arcum D E.  
 quantum videlicet E longi-



tudo

tudo nouæ Stellæ excedat longitudinem fixæ in *A*. posita,  
 quæ est in *D*. Vt *E* locus longitudinis nouæ Stellæ,  
 in Eccliptica cognoscatur. Libet etiam hinc arcus  
*CE*, quantitatem indagare, vt innotescat etiam huius  
 nouæ Stellæ ab Eccliptica remotio, quam latitudinem vo-  
 cant. Verum vt in horum noticiam per triangulorum  
 Sphæricorum scientiam, debito processu peruenire li-  
 ceat, considero omnium primò Triangulum *AGB*,  
 cuius bina latera in *G* polo iuncta, nota sunt, per com-  
 plementa latitudinum fixarum *GA*, scilicet 38. G.  
 20. M. *GB* verò 41. G. 0. M. Est etiam angulus,  
 quem dicta latera comprehendunt notus. Illū enim meti-  
 tur arcus *DF*, differentia videlicet longitudinis vtri-  
 usq. fixæ, quæ est 8 Gra. 50. M. Vnde per vigesimam  
 octauam propositionem libri quarti, Iohannis Regio-  
 montani, de triangulis sphericis, arcus *AB* innotescit;  
 quem inuenimus 6. partium cum  $\frac{1}{2}$ , qualem etiam per  
 instrumentum, capiendo vtriusq. fixæ distantiam, obser-  
 navi. Habet itaq. nunc dictum Triangulum *AGB*  
 omnia latera nota: vnde per vltimam propositionem li-  
 bri quarti Regiomontani de Triangulis, vel tertiam li-  
 bri quinti eiusdem, Copernici verò de ysdem decimam  
 tertiam, Angulus *BAG* manifestabitur. Inueni au-  
 tem hunc angulum, absoluta operatione numerorum,  
 iuxta dictas propositiones, partium iii. Minuterum  
 46. Nunc etiam pari ratione angulum Trianguli  
*CAB*, qui est ad *A*, dimetior: nam & omnia huius  
 B 3, latera

latera nota sunt ex antecedentibus,  $C A$  part: 5 Min.  
 noturum 21:  $C B$ , 5 Part. 1 Min.  $A B$  6. Par.  
 15 Min. Euadit igitur Angulus  $C A B$ , per dictas  
 propositiones, partium 49. Minu. 52. Hunc angulum  
 ab angulo  $B A G$  prius inuento, aufero, tanquam  
 partem de suo toto, & relinquitur quantitas anguli  
 $C A G$ , partium 61, Minu. 44. Nunc progredior ad  
 Triangulum  $C A G$ , cuius Angulus, qui ad  $A$ , iam  
 innotuit: duo verò latera dictum angulum comprehen-  
 dentia  $G A$  &  $A C$ , ex superioribus nota sunt. Quia  
 propter beneficio 28. propositionis libri quarti Regio-  
 montani de Triangulis, reliquum latus  $G C$  innotescet,  
 partium videlicet 38 Minut: 4. Erat autem arcus  
 $G C$ , complementum latitudinis novæ stellæ. Unde  
 sublato eo, à Quadrante, vera stellæ latitudo, partium  
 53 Minut: 56 euadit: quantitas videlicet arcus  $C E$ .  
 Pro longitudine verò huius stellæ indaganda, anguli  
 $D G E$ , quantitatem per omnia latera Trianguli  
 $G A C$ . iam cognita, dimetior, iuxta operationem  
 propositionis 34 libri Quarti, vel tertiæ libri Quinti  
 Regiomontani de Triangulis. Inuenio autem dictum  
 angulum part. 8, & minuti vnius. Hunc verò angulum  
 metitur arcus  $D E$ , differentiam longitudinis novæ  
 stellæ à longitudine prioris fixarum representans. Qua-  
 propter adiecto hoc arcu, partium, ut dixi, 8 & 1 Mi-  
 nuti ad longitudinem prioris fixæ, quam assumpsimus  
 esse in 29  $G$ , 0 Min.  $V$ , euadit locus longitudinis  
 novæ


novæ stellæ in 7. G & Mm: 1. Latitudinem habens  
ab Ecliptica supra inuentam 53 Part: 56. Minu. quod  
erat Demonstrandum. Hac itaq; ratione, locum longi-  
tudinis & latitudinis huius noui sideris, beneficio doc-  
trinae Triangulorum infallibilij methodo inquisiimus.  
Processum verò operationis, in inquirendis angulis &  
lateribus Triangulorum quibusue iam commemoratis,  
iuxta citatas huius doctrinae propositiones, non est huius  
loci plenius explicare, tum quòd protixius, & nimis per-  
plexum fieret hinc totum negotium. Bona enim pars pro-  
positionum libri quarti Regiomont. In hoc opere absta-  
mitur, eò quòd omnes, more Geometrico catenatim coha-  
reant: tum etiam quia diuiniior & excellentior sit Tri-  
angulorum sphaericorum cognitio, quàm fas sit eius my-  
steria omnibus propalare. Licet vero non ignorem stella-  
rũ octauæ orbis loca, non esse satis exquisitè cognita; vn-  
des fieri potest quod loca fixarũ, quibus in hac demonstra-  
tione tanquam fundamento vsi sumus, non præcisè eam,  
quem assumpsimus habeant longitudinis & latitudinis  
locum, quapropter locus huius nouæ stellæ, etiam paulo  
aliter fortè constituendus esset, tamen quia ipsemet in  
barum fixarum locis, nihil certi obseruaturum habeam,  
nolui à Ptolomæj & Copernici annotatione recedere.  
Quin potius, cum illis, quàm Alphonsina farragine senti-  
re, eò quod obseruatione crebra didicerim, Copernici in-  
diti propius cælo accedere, quàm aut Alphonsinas aut  
vllas alias ætæstium motuũ tabulas. Confido autem locũ  
huius

*buius Stellæ a nobis assignatum, & beneficio cæterarum fixarum iuventū, non multum a vero aberrare, & dabo operam, si Deus vitam prorogauerit, ut loca fixarum ex propria obseruatione aliquando emendata, in communem Astronomorum vtilitatem publicentur.*

*Ex hac inuenta huius Nouæ Stellæ longitudine & latitudine, ipsius etiam declinationem, siue quod idem est, ab Equatore remotionem minimam, beneficio spheræ Triangulorum, inueni. Part: 61 Min: 58. Quemadmodum per instrumentum etiam oculari obseruatione facta, illam eiusdem exquisitè quantitatis inueni. Pari quoque ratione ex nota declinatione & longitudine data, eius ascensionem rectam inquisiui. G. a. M. 22. Vnde hæc stella cum 20. Min. primi Gradus V. cælum culminat, cum verticij proxima est: & cum totidem  $\simeq$ , denuo Meridianum transit Horizonti vicina. Est itaq; locus eius circulo, quem Colurum Equinoctiorum vocant, ferme coincidens: idq; iuxta limites viæ lacteæ, Cassiopeia, & Cepheo interiectas. Verticalis autem est illis in terra locis, quæ eleuationē poli Arctici 62. G. minus 2. M. habent. Tanta enim est stellæ (ut dixi) declinatio. Atq; hæc de nouæ illius stellæ positu, tam quò ad fixas, quam quò ad Ecclipticæ longitudinem, ipsumq; Equatorem, sufficienter, & dicta & demonstrata esse arbitror. Hunc autem positum seruauit toto tempore, ex quo illam primò conspeximus, nec vllò minuto (sepenumero facta diligenti obseruatione)*

one) hinc progressa est, elapsis iam mensibus Sex. Quapropter in posterum etiam eodem in loco permansuram, nec ullo alio motu proprio, quam Stellarum fixarum, communi octavae sphaerae, progressuram auguror.


## DE SITV EIVS, QVO AD MVNDI DIAMETRV M, ET DI. stantia à terra centro Vniuersi.

 Rduum est, subtiliq; indiget ingenio, stellarum à nobis indagare remotionem, propter incredibilem earum à terra distantiam: nec ulla ratione commodius & certius id prestari potest, quam per paralaxeos, si quam habent, mensuram. Si enim stella aliqua horizonti vicina, alio in loco cernatur, quam vbi altissima vertici appropinquat, necessarium est eam reperiri in aliquo orbe, respectu cuius terra sensibilem habeat magnitudinem. Quam verò longè remoueatur dictus orbis, paralaxeos quantitas semidiametro terrae collata, manifestabit. Sin verò stella tam iuxta horizontem, quam verticem, in eodem primi mobilis puncto cernatur, non dubium est, eam, vel in octava Sphaera, vel non longè infrà, in orbe, cuius respectu tota terra puncti vicem gerat, locum obtinere. Ut  
igitur.



igitur nobis ea ratione innotesceret, utrum hæc stella in  
Elementari regione, aut inter cælestes orbes existeret,  
qualemq; ab ipsa terra haberet distantiam, indagauimus  
an ullam, & quantā, haberet paralaxin, idq; hoc modo.  
Interuallum inter hanc & Schedir Cassiopeiæ (eò quod  
hæc stella ferè cum noua, Meridianum vnā obtineat) ob-  
seruari cum verticij proxima esset, 6 tantum gradibus  
ab ipso zenit remota (ideoq; nullam, etiam terræ propin-  
qua in eo loco induceret paralaxin, sed locus eius visus  
& verus in vnum punctum propter ferè coincidentes à  
terræ centro & superficie lineas, vnitur) Idem præstiti  
cum longissimè à zenit remota, Horizonti proxima  
esset: & vtrobiq; eandem præcisè à dicta fixa inuenij  
distantiam nullo minuto variatam, partium videlicet  
7 & 55 Minutorum. Idemq; per alias stellas multipli-  
cj facta observatione expertus sum: vnde hanc nouam  
stellam nullam habere aspectus diuersitatem, etiam  
Horizontj vicinam, concludo. Alias enim in minima sua  
altitudine longius remota fuisset à prænominata stella  
in pectore Cassiopeiæ, quàm in altitudine maxima. Qua-  
propter non in Elementari regione infra Lunam, sed  
longè supra, in orbe, cuius respectu, terra, sensibilem non  
obtineat magnitudinem, collocari hanc stellam necessa-  
rium erit. Si enim in suprema aëris regione infra con-  
cauam sphaera Lunarum regionem esset, sensibilem in-  
duxisset in circulo altitudinis variationem, horizontj  
proxima, ab eo loco quem obtinebat verticij vicina. De-  
scriba

scribatur enim certioris demonstrationis causa, circulus  
 representans Meridianum, vel aliquem alium vertica-  
 lem primi mobilis, in quo loca omnium stellarum consi-  
 derantur, qui sit  $C B D E$ , cuius centrum sit  $A$ : Di-  
 ameter verò  $B E$  verticem,  $C D$  Horizontem designet:  
 sit insuper eodem centro descriptus circulus  $M K L$ , qui  
 terrenj orbis circumferentiam denotet. Inter hos alius  
 signetur circulus  $G H F I$ , qui infimum sphaerae Lunae  
 & terrae proximum representet ambitum, in quo stellam  
 hanc existere fingamus: sitq; primum in maxima sua  
 altitudine iuxta punctum  $G$ : Manifestum est quod ca-  
 reat omni diuersitate aspectus. Ambae enim lineae à cen-  
 tro terrae, & oculo in eius superficie constituto, eductae in  
 unum eundemq; primi mobilis circuli, videlicet  $C B D E$   
 cadent locum, in punctum videlicet  $B$ , vel propè, si stel-  
 la non sit praecise in  $G$ . Haec enim 6 gradibus à vertice  
 remouetur, cum nobis altissima sit, qui tamen nullam  
 sensibilem inducunt variationem ab ipso vertice. Con-  
 stituatur verò haec stella in eodem circulo  $G H F I$ , in  
 minima sua altitudine, idq; in puncto  $O$ , necessarium  
 erit eam in alio loco extremj circuli videri, si oculus con-  
 stituatur in  $K$  superficie terrae, quam si in  $A$  eiusdem  
 centro. Ductis enim lineis à  $K$  superficie, & à centro  
 terrae  $A$ , per  $O$  locum stellae, in extremum orbem  $B D$   
 $E C$  cadet linea ab  $A$  per  $O$  in  $P$ : à  $K$  verò per idem  
 $O$  in  $Q$ . Est igitur  $P Q$ , arcus primi mobilis, stellae  
 aspectus diuersitatem ostendens.



Lubet itaq̃ inuestigare quantitatem arcus  $PQ$ ,  
 vt innotescat quantam haberet hæc stella diuersitatem  
 aspectus Horizonti proxima, si in circulo  $IGHF$   
 proximè infra orbem Luna constitueretur in puncto  $O$ .  
 Idq̃

Idq̃ ut commodius fiat, producat̃ur linea  $Q O K$  donec alia à centro  $A$  producta, illj perpendiculariter incidat, sitq̃ hæc in puncto  $R$ . Cum verò angulus  $B K Q$  notus sit per observationem: est enim complementum altitudinis minimæ, ipsius stellæ, videlicet, partium 62, Minut. 5, non ignorabitur ei contrapositus  $R. K. A.$  ipsi æqualis. Est insuper angulus  $K R A$ , ex hypothesi rectus: & latus  $K A$ , notum est per mensuram quamcumq̃. Est enim semidiameter ipsius terræ: non ignorabitur  $A. R$ , per 29 propositionem Regiomontanj de triangulis planis. Si itaq̃ ponatur semidiameter terræ  $K A$ , partium 100000, tanquàm sinus totus, cum sit latus recto angulo, qui ad  $R$ , oppositum, euadit latus  $A R$ , partium 88363. Nunc demum concipio triangulum  $R O A$ , cuius duo latera  $R. A$ , &  $A O$ , nota sunt. Est enim  $A. O$ . distantia à centro terræ ad infimam superficiem orbis Lunæ, quam vnâ cum Copernico statuiamus partium 5200000, qualium semidiameter terræ  $A. K$ , erat 100000 (lubet enim maioribus numeris negocium hoc absolvere, ut calculus eo sit commodior & exactius innotescat) cumq̃ in dicto triangulo angulus  $O. R. A.$  ex hypothesi rectus sit, per 27 propositionem Regiomontanj de triangulis planis, non latebit angulus  $R. O. A.$  Multiplicato enim latere  $A. R.$  in totum sinum, producantur 8836300000, qui numerus per latus  $A. O$  diuisus, relinquit 1699 partes, sinum videlicet angulj  $R. O. A$ , cuius arcus est, 0 partium, 58 $\frac{1}{2}$

Minutorum, qui numerus, anguli quæsitj determinat  
 quantitatem. Huic verò angulo  $\angle ROA$ , equalis est  
 angulus  $\angle POQ$ . Est enim illj contrapositus, vt patet  
 ex elementis Geometriæ, idcirco arcus  $PQ$ , qui hunc an-  
 gulū metitur (nam propter immensam distantiam inter  
 Sphæram Lunæ & primum mobile, arcus  $PQ$  non dif-  
 fert sensibiliter ab arcu circuli intervallo  $OP$  iisdem li-  
 neis intercepto) stellæq; designat paralaxin, erit minuto-  
 rum 58½, quod erat querendum. Tantam igitur habuisset  
 hæc stella in  $O$  posita, aspectus diuersitatem, ab eo lo-  
 co, quem prope verticem obtinebat, in eum vbi Hori-  
 zontj proxima conspiciebatur. Id autem per multas &  
 diligentes obseruationes (vt suprâ dixi) factas, exquisi-  
 to & minimè fallaci instrumento, falsum inuenimus.  
 Vnde concludo hanc nuper visam stellam non esse in cir-  
 culo  $I. G. H. F.$ , suprema videlicet aëris regione, proxi-  
 mè infra Lunæ orbē, nec in aliquo loco adhuc terræ pro-  
 piores. Tunc enim maiorem induxisset quantitatem arcus  
 $PQ$ , maiorq; fieret aspectus diuersitas: sed longè supra  
 sphæram Lunæ, in ipso cælò locum obtinere, idq; in orbe  
 aliquo, tanto intervallo à terra remoto, vt linea  $KA$ .  
 Semidiameter terræ, non habeat respectu eius sensibilem  
 quantitatem: sed tota terra illj collata nil præter punc-  
 ti vicem habere animaduertatur, idq; in octaua sphæra,  
 vel non longe ab hac in altioribus trium superiorum  
 Planetarum orbibus, fieri ab artificibus compertum  
 est. Vnde hæc stella in ipso cælò, vel in octauo orbe cum  
 reli

reliquis fixis, vel in proximè huic subiectis sphaeris con-  
 stituetur. Quod autem nec in orbe Saturnj, nec Iouis,  
 Martisue, aut aliorum Planetarum existat, hinc patet,  
 quòd elapso iam Sex mensium spacio, nullo minuto ab eo  
 loco in quo primum eam conspeximus motu proprio pro-  
 gressa est, quod fieri oportebat si in aliquo Planetarum  
 orbe esset. Moueretur enim motu ipsius orbis peculiari,  
 contra primi mobilis rationem, nisi in altero polorum,  
 orbium secundi mobilis quiesceret, à quo tamen 28 par-  
 tibus, vt supra ostendi, removeretur. Toti enim orbis pro-  
 prijs polis reuoluti, sua circumducunt sidera, vel ab illis,  
 (vt Plinio & quibusdam alijs placere video) circum-  
 aguntur. Nisi quia receptam à Philosophis & Mathe-  
 maticis sententiam negare velit, solasq; stellas immotis  
 orbibus conuolui (quod absurdum est) asserere. Vnde  
 si hæc stella in aliquo orbium septem errantium siderum  
 constiueretur, necessariò cum ipso orbe, cui affixa esset,  
 contra diurnam reuolutionem circumduceretur. Atq; hic  
 motus etiam in lentissimo Saturni orbis progressu tanto  
 temporis interuallo, etià absq; omni instrumento intuen-  
 ti animaduerneretur. Quapropter hæc stella noua nec in  
 Elementari regione infra Lunam, nec in orbibus septem  
 errantium siderum, sed in octaua sphaera inter reliquas  
 fixas locum habet, Quod erat demonstrandum. Hinc  
 sequitur illam non esse aliquam peculiarem Cometarum  
 speciem, nec quoduis aliud apparens igneum Methæoron.  
 Hæc enim omnia non in ipso cælo generantur, sed infra  
 Lunam

Lunam in superiorj aëris regione existunt, vt omnes testantur Philosophi: nisi quis cum Albategnio statuere velit, Cometas, non in aëre, sed in cælo nasci. Ille enim se Cometam supra Lunam in sphaera Veneris obseruasse existimat: quod an fieri possit, nobis nondum constat: Sed Deordante aliquando, si nostra ætate aliquis extiterit Cometa, eius rei certitudinem inquiremus. Hoc etsi verum esse ponamus (quod vna cum omnibus Philosophis vix admitto) tamen non sequitur hanc stellam Cometarum esse speciem: tum propter ipsam formam, quam habet cum veris stellis communem, & ab omnium hactenus visorum Cometarum figura dissimilem: tum quod nullo motu proprio, tanto tempore, vel in latitudinē, vel in longitudinem processit, vt in Cometis fieri animaduersum est. Licet enim hi aliquando in vno loco per aliquot dies quiescere videantur: tamen non ita diu, nec ita exactē, diligenter per instrumenta exquisita observatione facta, eundem seruant positum. Concludo igitur hanc stellam, non esse vllam Cometarum speciem, vel aliquod igneum metheoron, siue infra Lunam, siue supra generentur: sed lucentem in ipso firmamento esse stellam, nulla ætate à mundi exordio ante nostra tempora prius conspectam. Atq; hæc de stellæ eius situ, tum quo ad zodiacum, tum quo ad mundi diametrum, & cæli orbes, sufficienter dicta demonstratq; existimo: nunc ad reliqua progrediar.

DE

# DE EIVSDEM MAG- NITVDINE, LVML ne, et colore.

**M**

*Agnitudo Stellarum duobus modis ab artifi-  
cibus consideratur: vno, quò ad visibilem &  
apparentem diametrum: altero, quò ad ve-  
ram, quam in ipso cælo habent quantitatem.  
Licet enim stellæ nobis admodum conspiciantur exiguæ,  
& non aliter quàm paruæ faces in cælo lucentes appa-  
reant: tamen per ingeniosas Mathematicorum observa-  
tiones compertum est, eas non solum toti terrestri globo  
æquales esse, sed longè illum sua magnitudine excedere:  
adeò vt vix aliqua tam exigua in firmamento conspiciat  
tur stella, quin decies octies, ad minimum, terrenam mo-  
lem exuperet: vt taceam aliquas primum honorem obti-  
nentes, centies quinquies terram magnitudine excedere.  
Id licet multis incredibile videatur: tamen immensam  
earum à nobis distantiam considerantj nullum mouebit  
dubium. Quapropter etsi hæc noua stella, exigua quo ad  
visum appareat: tamen reuera ingentem habet magni-  
tudinem. Non tamen semper eiusdem apparuit quanti-  
tatis. Nam ab initio, mense Nouembrj, quo primum con-  
spici cepit, non solum omnes stellas fixas, sed ipsos etiam  
Planetas, et quidem Iouem tum terræ proximum, Ve-  
nerisq; illustre sidus, visibili quantitate exsuperauit.*

**D**

postea

*Stella terra  
majores.*

*Stella in Maj.  
105 terræ  
majores.*



postea paulatim imminui cœpit, adeo ut mense Decem-  
 brj, Iouis fere æquaretur: in Ianuario, illo paulo minor,  
 et fixis primj honoris maior, quibus in Februario et  
 Martio æqualis apparuit, conspiceretur. Demum etiam  
 plus imminuta est, adeo ut hoc tempore in initio nimi-  
 rum Maij, stellas secundi honoris non excedat. Quemad-  
 modum verò quo ad visibilem diametrum hac ratione  
 imminuta est, sic etiam quo ad veram, variatam esse con-  
 sentaneum est. Ab initio autem quando longè excedebat  
 stellas primæ magnitudinis, incredibilj quantitate to-  
 tam Terræ molem superabat. Nam si stellæ fixæ primæ  
 magnitudinis, Terram (iuxta Mathematicos) centies  
 quinquies exuperant, & hac noua tantundem à Terra,  
 quantum illæ (ut supra demonstraui) remouetur,  
 maioremq; longè obtinuit visibilem diametrum, neces-  
 sariò etiam longè plus centenis vicibus molem, quàm Ter-  
 ra & Maria efficiunt, ab initio excessit. Sed progressu  
 temporis imminuta, iam non maior esse poterit ipsa Ter-  
 ra, quàm sunt stellæ secundi honoris.

Lumen verò stellæ, conspicitur esse præ cæteris  
 fulgidum & radians: adeò ut ab aliquibus in initio  
 etiam interdum iuxta meridiei tempus, cælo nulla aëris  
 densitate offuscato, nonnunquam cerneretur. Scintillat  
 etiam, ut reliquæ stellæ fixæ, & plurimum. Vnde etiam  
 patet eam non esse inter orbes planetarum, sed in sphaera  
 octaua vnà cum reliquis fixis (prout supra quoq; asse-  
 rui) collocari. Planetæ enim non scintillant, sed so-  
 lum

*Stella fixæ  
 primæ honoris.*

lum stellæ fixæ, & inter eas aliqua magis, aliqua verò minus: siue quoddam earum maxima à nobis remotio hoc efficiat per aërem intermedium, vt quidam opinantur, quod tamen non credo: aliàs enim Saturnus Apogæus, cùm proximus est stellis fixis, etiam scintillaret: siue quoddam fixa sidera super propria centra perpetuò circumgiran- tur, & inde pro aëris qualitate scintillationem aspectuj immittant, vt potius cum Platoniciis, statuo.

Quantum verò ad colorem huius stellæ attinet, non semper eundem retinuit, sed ab initio albicans videbatur, & propius Iouiali splendori accessit: progressu autem temporis, lumine coarctato & inspissato, in rutilantem & Martium fulgorem degenerauit: qualis est Aldeboræ, aut illius, quæ in dextro humero Orionis rubescit. Non tamen usq; adeo rutilans fuit, quemadmodum hæc in humero, sed propius ad colorem Aldeboræ accessit. Nunc autem relicto isto Martio rubore, in liuidam transiit albedinem, ita vt hoc mense Maio, quiddam Saturnium & Veneri simile præ se ferat.

Quod autem hæc stella tam magnitudinem quam colorem, vt diximus, sensibiliter mutauerit, id non sufficiens probat, eam in Elementari regione, infra orbem Lunæ collocari, & peculiarem esse quandam Cometarum speciem, vel aliam quamuis igneam exhalationem. Si enim possibile fuit, nouum aliquod corpus, in ipso æthere generari, quod de hac stella supra infallibilibus demonstrationibus, contra omnium Philosophorum

sententias & decreta, probauimus: longè minus impos-  
sibile & absurdum censebitur, hanc ipsam nouam stel-  
lâm, aliquam alterationem magnitudinis & coloris ad-  
mittere. Imò verò, quemadmodum illa aliquando in  
cælo, præter communes Naturæ Leges extitit, ita etiam  
si in eodem aliquando, contra easdem Naturæ leges con-  
spicij (vt credibile est) desinat, non video, quid priori,  
hinc magis absurdum consequatur.

## Astrologicum iudicium de effectibus huius nuper natæ stellæ.

**E**tsi de effectibus huius stellæ aliquid certj cõ-  
stituire longè superet Astrologiæ metas, &  
verisimile sit, Deum, maius quippiam per-  
hanc, mundo ostendere, quàm beneficio vllius  
scientiæ Physicæ à quouis mortalium præsciri possit: ta-  
men breues coniecturas ab Astrologiæ fontibus petitas  
subiungam, quatenus nonnulla huius artis beneficio præ-  
sciri possibile est, & mihi cognita pro temporis breui oc-  
casione in mentem veniunt: nihil hac in parte derogan-  
tes Theologorum, vel aliorum quorumuis sententiæ, nec  
nostras coniecturas pro Edictis prætorijs aut oraculis  
videntes. Verisimile est autem, quemadmodum  
huius

huius stellæ miraculum, præ omnibus, quæ à mundi exordio facta sunt, est rarissimum & maximum: sic etiam rarissimos & maximos habiturâ hanc stellam effectus. Quapropter illam plus ostenti habere iudico, quàm ulli superiorum Planetarum congressus, etiam illi, quos vocant maximos: aut ullæ luminariûm quantumcûq; eclipses: vel ullæ aliæ, quouis modo stellarum in cælo congressus aut configurationes. Hæc enim omnia, etsi magnas in hunc inferiorem mundum habeant potestates, ut indies veri experiuntur Artifices: tamen, quia crebrius fiunt, & naturali ordine, non tantas habere possibile est significationes, quantas hæc recens nata stella, quæ præter omnem Naturæ ordinem, nunc primum in cælo extitit, omnesq; reliquas fixas, sua magnitudine & luminis fulgore plurimum exuperat. Qui verò & quales futuri sint huius stellæ effectus, admodum difficile est ex Astrologiæ fundamentis indagare. Hæc enim Ars, ex multiplici, & rarò fallenti experientia, suas constituit Conclusiones, nec nisi semel, tempore Hipparchi factum esse legimus, quod noua in cælo prodierit stella. Vnde ab experientia, iudicium hac in re petere, ambiguum penèq; impossibile est. Verisimile tamen esse iudico, quod veluti circa Hipparchi tempora, qui floruit iuxta annum mundi 3840, ante Christum annis ferè 125 (quemadmodum ex obseruationibus ab eo factis, & à Ptolomeo citatis colligitur) paulatim post eius stellæ apparitionem, quam obseruauit dictus Hipparchus, mirabiles

contigerunt, tum in populo Dej, tum in vniuerso orbe habitabilj mutationes: ita hisce similiter temporibus, fatales ingruere periodos, non est dubium.

In populo enim Dej, caput lux verae doctrinae paulatim deficere, & ab ingratis Iudæis negligi atq; conculcari. Exortæ sunt tum, Sectæ illæ tres, Phariseorum, Essæorum & Saducæorum. Concertabant inter se summi Pontifices, non largitionibus ac ambitione tantum, sed & sanguine atq; cæde, pro aris & summo Pontificatu obtinendo, vt ex historia istius Iohannis apparet, qui à fratre, hac de causa, in ipso templo occisus est. Paulo post, sceptrum etiam amisit Ianna Hyrcanus, vltimus ex tribu & domo David: & secutæ sunt passim horrendæ clades & funestæ lanienæ, ciuiles & externæ, vsq; dum gregem suum pusillum, tum temporis in oppido angustum redactum, Dux de Bethlehem ciuitate Iuda inuisit, & oriens ex alto Stella Iacob, de qua Bileam vaticinatus erat, Lux vera toti orbi salutaris, illuxit: quam duce stella, Magi inuenerunt, & sublato postea interstitio, Iudæi pariter atq; Gentes micantem conspexerunt.

Circa hæc etiam tempora, in Rebuspub. Passim magni capere motus. Græcorū Monarchia, crebris bellis, tam externis quàm ciuilibus labefactarij, & imperium Romanis indies magis magisq; acrescere capit, donec imperij fines Orbis in Vrbe forent: sic etiam hanc stellā, quæ nostrā ætate prodijt, maximam Reipublicæ mutationem, aliumq; imperiorū & regnorum statum sequentibus


tibus aliquot annis præsignificare : præsertim quia hæc  
 stella incidit in completam fermè periodum omnium  
 Trigonorum totius zodiaci. Nam post annos abhinc de-  
 cem, congressus superiorum planetarum, præ cæteris  
 maximus, in extremitate Piscium, finem imponet Tri-  
 gono aqueo, unaq; omnium aliorum circuitum ( qui vix  
 octingentis annis absolvitur ) claudit, & novum Trigo-  
 norum principiū, ab Ariete, in ignea Triplicitate inci-  
 piet. Quapropter hæc recens nata stella, cum sequenti  
 Trigonorum nouo exordio plurimum conspirabit, idq;  
 eam præsertim ob causam, quia locus stellæ respectu po-  
 lorum mundi, in initium Arietis incidit, quo etiam in lo-  
 co novum Trigonorū exordium ( vt dixi ) celebrabitur.  
 Quanta igitur hinc portendantur Imperiorum & Mo-  
 narchiarum, omniumq; statuum per vniuersum orbem,  
 immutationes, huius artis periti facillè intelligunt. Quod  
 verò hæc stella, quo ad polos mundi in principium Arie-  
 tis, locum æquinoctialem, totiusq; zodiaci novum exor-  
 dium, prope circulum, quem colurum æquinoctiorum  
 vocant, incidat, post varios & graues tumultus vari-  
 asq; omnium rerum in mundo immutationes, nonum  
 quendam & diuersum à prioribus Monarchiarum sta-  
 tum, tum etiam Relligionis & Legum aliam admini-  
 strationem portendere, ex loci ipsius insita vi & pecu-  
 liari natura videtur.

Quantum verò ad ipsius stellæ naturam attinet,  
 quoniam ab initio, Iouis amicum lumen æmulabatur,  
 idcirco

idcirco in initio etiam suorū effectūdm , læta & prospera omnia spondere videtur, rerumq̃ è terra crescentium & vsibus humanis aptarum, vberem promittit copiam: tum etiam animantium salubritatem, & aëris lætam amenitatem, pacemq̃ & concordiam. At quoniam, in medio, in rutilantem Martis feruorem degenerauit, post hæc læta & auspicata initia, subsecuturas ingentes clades & calamitates, quales Martis virulentum sidus, mundo peculiarirer influit, vt sunt bella, seditiones, captiuitates & mortes principum, regnorum & vrbium depopulationes, tyrannides, violentiæ, iniuriæ, incendia, homicidia, rapinæ, latrocinia, & his affines calamitates. In aëre verò siccitates, flagrantes æstus, methœora ignita, atq̃ hinc morbi pestiferi, & anhelantij veneno serpentes, atq̃ his similia. In fine verò, ex Saturnia naturâ, & lucida albedine, portendit angustias, mærores, mortes, carceres, omniaq̃ inauspicata & funesta.

Quia verò, momentum, quo hæc stella primū apparuit, sciri non potest, nec ex siderum positu, qui tunc erat, more Astrologorum, iudicium fieri: tentabimus proximum quiddam, ex positu siderum, qui tempore Nouilunij proximè antecedentis stellæ apparitionem exitit: idq̃ exemplo Halij commentatoris Ptolomej, qui idem in Cometa, cuius initiū scirj non pōtuit, factitauit. Sequitur igitur figura cælj & siderum qualis fuit in Nouilunio diei 5 Nouembris. Nam circa id tempus,

vel



vel non longè ante aut post, stellam primùm apparuisse  
existimo. Nobis enim, vt ab initio testatus sum, pri-  
mùm die 11 Nouembris conspecta est; an. verò aliquot  
prius diebus fulserit, quoniam in nostra Regione dies  
E illj



illj nabibus obduetj, Siderum aspectum prohibebant, apud me incertum est: non tamen ultra biduum vel tri-  
duum ad summum prius extitisse opinor.

Dominatorum in hac cœli configuratione constituo Martem. Is enim in loco luminarium Carpentum, in angulo sequente Exaltationem, in Horoscopo insuper & cœli medio cardine Triplicitatem obtinet, & cum in receptione domicilij, per \* quoq̃ aspectum existens, non longè ab angulo occidentis, qui proximè luminariū coniunctionem sequitur, remouetur: & ipsa stella, cum initio Arietis, eius domicilio & Carpentum, Meridianum cœliq̃ culmen attingit. Vnde tot concurrentibus causis, non dubiū est, Martem in hac cœli figura prerogatiuas partes obtinere. Adde quod omnes reliqui Planetae in ipsius domibus Videlicet & ♊o reperiantur, excepta sola Venere, quæ in Libra, ipsi, quadrata radiatione associatur: ipse verò Capricornum propriam Exaltationem possidet.

Cum igitur Mars, admodum potens in Dominio Nouilunij hanc stellam præcedentis, & cum Arcturo stella, de propria natura, admodum impetiosa, in eodem circulo Positionis occidat, non longè à Lunæ nodo, quem caudam Draconis vocant, remotus: plurimum ea significata intendit, quæ supra, ipsam stellam, ex propria natura, quam Mauorti habet affinem, portendere diximus. Vt pote tumultus, prælia, hostiles hominum insidias, imperiorum & ciuitatum deuastationes ac depopulatione.

lationes, ærisq; intemperiem siccam, & morbos venenatos ac pestiferos, cæteraq; his similia mala, quæ Martis feruens stella mortalibus inferre solet. Quia verò Martis dominantis locus, incidit in sextam domum, peculiariter videtur, nona & inusitata morborum genera, & per universas regiones grassantes ægritudines, portendere.

Quantum verò ad ipsius stelle positum attinet, consideratione dignum est: quòd hæc, tempore huius Novilunii, in ipsius fene verticem incidit, unde in media cæli & decima domo constituta, peculiarem super imperia, regna, & principatus, horumq; administratores, Reges, Duces & Principes, aliosq; in sublimi Republicæ administratione positos, habet significationem. Cum illa autem præcipue consensum obtinet, quibus & signum in quo stella est, vel Aries cum quo culminat, horoscopus mediumve cæli, aut loca luminarium cum nascerentur, obtinebat.

Regiones verò in quibus huius stelle effectus maxime sentient, erunt eæ, quæ ad Boream versus polum arcticum remote sunt. Illis enim hæc stella præterit capitis transit, cum in Meridiano supra polum existit, idq; præcisè in locis altitudinis poli 62 Graduum subiectis, ut sunt, medium totius Moscoviæ, Livoniæ; Finlandiæ, Sueciæ, & meridionalis Norvegiæ pars. Verisimile tamen est, effectus, etiam ad circumiacentes regiones se extenduros. Nec immunes erunt hi populi, qui triangulo

terreo subiacent: eò quòd longitudo stellæ est in 8, & domini Nouilunij præcedentis locus in  $\Psi$  incidat, quæ ambo signa, de Triangulo terreosunt. Sed ut vno verbo rem totam dicam: quia huius stellæ locus, respectu polorum mundi, in Arietem cadit, super totam ferè Europam significationes extenduntur. Peculiariter verò illj homines, ab his communibus calamitatibus, quas stella portendit, corripientur, qui cùm nascerentur, in Genethliaca constitutione, horoscopi vel luminarium cum loco huius stellæ, aut eius Domini Martis, habuere consensum.

Tempus autem effectuum, non in paucos aliquot annos terminabitur: sed in sequentes plurimos producet, eò quòd rarissimum, maximam, & præter omnè Naturæ ordinem, huius stellæ existat miraculum. Tunc verò maximè intenduntur significata, quando cum effectibus coniunctionis maximæ superiorum Planetarum, quam dixi post decennium nouum Trigonorum exordium introbandam, coniunguntur.

Atq; hæc, de nouæ illius stellæ effectibus, breuiter & generaliter annotare libuit. Licet autem non ignorem, ex hac ipsa, quamuis vulgari Astrologia, quædam paulo specialius prædici posse: tamen hoc loco tantum præcipua & maximè generalia dicenda iudicavi. In specie enim aliquid certi prædicere velle, nec sapientis nec boni est Astrologi, neq; id satis tuto fieri posse arbitror. Intelligentibus huius Astrologiæ secreta, satis dictum

*dictum arbitror. Ceteris enim hæc non scribimus, quem-  
admodum ab initio testatus sum. Tacebo interim ea,  
quæ è verioribus & secretioribus quibusdam alterius  
Astrologiæ fontibus, afferrî possent. Illa enim paucissi-  
mis cognita, & multis fortè ob incitiam odiosa cen-  
seretur: imò per se talis ea est, ut nefas sit, eius My-  
steria prostituere.*



E 3

Inclý=

THE  
JOURNAL  
OF THE  
ROYAL ANTHROPOLOGICAL INSTITUTE  
VOLUME 18  
PART 1  
1888



1888

1888

# INCLYTIS VTRIVS

*QUE ASTROLOGIÆ ALVMNIS,*

*vbicunq; locorum, vniuersis & singulis, Dominis*

*& amicis, perpetua laude dignissimis,*

*Tycho Brahe, Danus,*

*Salutem,*

*&*

*Fauentem precatur Vrauiam.*



Niuerfum hoc & ampliffimum totius Machinæ mundanæ Theatrū, Viri inclyti, Cœlos, Terram, Maria, & quæ in his comprehenduntur, Solem, Lunam, Stellas, Animantia, Vegetabilia, & Mineralia, per Diuini numinis sapientiam, non in fuimetipſius, ſed hominis, quem ſuæ imagini conformem reddidit, commodū neceſſitatemq; creata & inſtituta eſſe, nemo ſapiens ire poteſt inſicias. Deus enim, cum ſit incorporeus, immenſus, æternus, incomprehenſibilis, ubiq; & nullibi, non indiget, corporea, finita, temporanea, comprehenſibili, & locali, Mundi forma. Sed hominem, Mundo, quo ad hæc, conſimile, in terra, centro totius Vniuerſitatis, propterea ſtatuit, vt inde, quaſi ex ſpecula, vniuerſi orbis Naturam & conſtitutionem contemplaretur: eaq; ratione Dei inuiſibilis & incorporei, per viſibilia & creata corpora, Maieſtatē, Sapientiamq; in hac mortali vita, quodammodo agnoſceret. Quapropter, poſt æterni & imperſcrutabilis Dei agnitionem, à ſemetipſo, per Prophetas & Filium Redemptorem nobis reuelatam, ſpiritualiq; Dei, ſpiritualement cultum, nihil magis homini neceſſas

necessarium, & fini, propter quem constitutus est, magis conforme esse iudico, quam perpetuò, in iucunda operum diuinorum, quæ in Mundi fabrica vndiq; elucet, consideratione versari. Licet autem, vbiq; tam in Elementari & inferiori, quam superiori & coelesti Mundo, illustria extent diuini operis monumenta (nulum enim animal tam vile, nulla herba tam exigua, nulum Metallum vel minerale tam abiectum, quin singulare & euident, Dei Opificis, in illis singulis, conspiciatur artificium) tamen, nullibi magis diuinæ sapientiæ testimonia, quam in superiori illa coelestis mundi fabrica conspici existimo. Inferiora enim hæc & sublunaria, exceptis hominum Animabus, omnia, Dissolutioni & Alterationi obnoxia sunt: nec in illis, regularis & constans ordinis reperitur conformitas: Coelestia verò & supra lunaria corpora, non solum magnitudine, lumine, & forma, hæc inferiora longè exuperant: sed etià æterno quodam & diuino quasi tenore, perpetuas exercent suorum orbium reuolutiones, nec à sibi præfinita via, vllam in partem, quicquam declinant, celeriusve aut tardius quam constitutum est, motus sui periodos vnquam absoluunt. Vnde, coelestium & supralunarium rerum cognitionem, longè digniorem, harum inferiorum & terrenarum contemplatione, iudico. Et nihil in hoc totius Mundi admirando opificio reperiri existimo, quod magis hominem, exutum terrenis & brutalibus curis, voluptate animi afficere, & in diuini numinis admirationem ac cultum adducere possit, quam æthereæ illius & coelestis Machinæ harmoniam, sublimi cogitatione animo versare.

Cum verò ita hominum peruersitate comparatum sit, vt quò excellentior Scientia aliqua existat, eo paucior

pauciores sui habeat cultores, eòq̃ magis ab insc̃is & indoctis contemnetur: & quò difficilior ac sublimior, eò plus, ab ipsis cultoribus deprauata in abusum redigetur. Hinc factum est, in hac etiam Diuina celestis Mundi consideratrice Arte, quam Astronomiam appellârunt, vt non solum à paucis excolatur, & ab imperito vulgo, multisq̃ aliàs eruditis, derideatur: sed etiam à propriis Artificibus & sectatoribus, perperam ac indignè tractetur. Quid autem insc̃i & imperitum vulgus, quos propria excusat ignorantia, de hac diuina Scientia iudicent, floccifaciendū, nec responsione dignum, arbitror. Hi enim, non artis vilitatem, sed propriam ostentant inscitiam: nec iudicium de Artibus, ex eorum opinione, qui eas ignorant, statuendum est. Verum, quòd hæc excellens consideratio celestium corporum, ab ipsis Artis cultoribus peruersè, nec ea, qua par est diligentia, excolatur, non ferendū censeo, Multi enim, cūm vix à limine diuinam Astronomiam salutauerint, se pro summis Artificibus venditare non erubescunt, hancq̃ maximè (si quæ alia) liberalem Scientiā, sui questus causa, deprauare, & negligenter excolere, lucri & laudis loco ducunt. Vt autem de ea Artis parte, quæ motus & reuolutiones orbium celestium considerat (quæ etsi à multis excellentibus viris, summo & indefesso studio elaborata est: hætenus tamē exquisitè & perfectè à nullo inuenta) nihil hoc loco dicam; altera sanè, quæ effectus & influentiam syderum, diuino potius quàm humano ingenio scrutatur, Dñi boni, quàm indignè, quàm negligenter, quàm questuoso & turpi abusu, hodiè, à plerisq̃ tractatur. Genethliaca enim consideratio, quæ ex positu syderum pendet, hominem cum primū vitales imbibit auras, excipiente, tota ferè



depravata est, tota in abusum redacta, tota nulla experientia, vt par erat, sed futili authoritate (quæ, vt in aliis humanis cognitionibus: ita in Mathematicis, omnium minimè locum habet) à suis cultoribus exercetur. Metheorologica verò, quæ coeli, in foecunda aëris regione, varios foetus considerat, non solum non satis excolta est: sed insuper etiam, ita hodie passim prostituitur, vt imperitum quoq; vulgus non lateat, quàm sint vani & futiles annuorum Prognosticorum Artifices. De harum vtriusq; abusu & depravatione, latius aliquando disseruimus, in libello quem inscripsimus *CONTRA ASTROLOGOS PRO ASTROLOGIA*. De posteriori verò, & Metheorologica, etiam nunc, perfectè omnia fundamenta, omnesq; rationes non excutere: tamen exemplar aliis insequendum (amicorum sollicitationibus impulsus) præ oculis ponere constitui. Quali autem ordine, & quibus rationibus, hunc laborem absoluerim, nunc commemorabo, vt melius nostri instituti percipiatur ratio.

Manifestum est, aëris qualitatem, post Luminarium configurationes euidentes, sensibilibiter alterari. Quapropter ad singula momenta, Nouiluniorum, Pleniluniorum, & intermediarum Quadraturarum, coeli syderumq; positus, ordinaui: & non solum ad hæc: sed etiam, ad medias Quadraturas (quæ octaua coeli parte dissident) idem tentare ausus fui: idq; non solum, propria & multiplici experientia, edoctus: sed, Veterum authoritate vnà id comprobante, feci. Testatur enim Plinius, naturalis Historiæ libro secundo, Veteres, considerasse quartam Lunam à Solis congressu, & iuxta illam iudicium tulisse. Ptolomæus etiam asserit, ante tres ferè dies, & nonnunquam post tres exæquati itineris

ris Lunaribus ad Solem, omnium tempestatum significationes existere solere. Quæ tempora, incidunt in configurationis Octogonicæ loca. Adde, quod veteres Astrologi, Lunæ configurationes & habitus, tunc præsertim considerandas esse statuerunt, quando Luna esset in Athacir, quo nomine, intervalla ipsius à Sole octogonica significabant: vt nihil dicam de Crisum Indicatione in morbis animaduertenda, quæ etiam dimidias quadraturas beneficio motus Lunaribus obseruat. Et quamuis, quidam Medici, alias rationes Crisum, quam ex Lunæ transitu statuunt, ab inferiori videlicet ipsius Microcosmi Astronomia: tamen non dubium est, hanc, cum superiori consensum habere.

Tempora autem harum Solis & Lunæ octogonicarum configurationum, non ex visitatis coelestium motuum Tabulis, siue Alphonsinis, siue Copernianis, aut ullis aliis, mutuati sumus: sed per proprias, in vtriusque Luminaris cursu, aliquot præcedentibus annis, factas observationes, illa emendauimus: vt non dubitem, tempora Zygiarum luminarium, à nobis assignata, propius ad veritatem coelestis normæ, accessura, quam ea, quæ ex Tabulis vel Ephemeridibus quibusue petuntur. Quam enim sensibilibus, hæc, à scopo aberrant, ostendunt Eclipsium (vt de cæteris taceam) observationes, suis calculis non exactè correspondentes. Quemadmodum nos *CATALOGO OBSERVATIONVM COELESTIVM*, per integrum decennium elapsum, factarum, & in posterum (si Deo ita placuerit) continuandarum, aliquando manifestabimus: & non solum in motu luminarium: sed etiam reliquarum errantium inerrantiumque stellarum, Martis præsertim & Mercurij, multum adhuc latere scrupuli, ostendimus.

Ad hæc autem tempora Nouiluniorum, Pleniluniorum, & Quadraturarum, integrarum, mediarūq̃, coeli & stellarum positum designauimus: non per duodenariam coelestis Machinæ distributionem, vt communiter fieri solet: sed veluti octogenariam luminariū in Zodiaco configurationem perpendendam duximus: ita etiam singulis hisce Zysigys, octogenariam totius coeli diuisionem attribuere, opere præcium visum fuit: idq̃ ea ratione absoluiumus, vt singuli coeli quadrantes, Meridiano & Horizonte intercepti, non trifariam, sed bifariam, secarentur. Rationes autem huius diuisionis octogonicæ, habemus amplissimas: inter quas, præterquàm quòd loca media inter Horizontem, & Meridianum, post horum circulorum limites, sint maximè roboris (dimidium enim angulum rectum in centro Vniuersi efficiunt) quotidianus insuper Oceani affluxus & refluxus, etiam non obscure testatur, locis, Meridiano Horizontiq̃ intermedijs, multum inesse efficaciam. Cum enim Luna, motu primi mobilis, eò quotidie peruenit, Oceanus statum suum obseruare solet. Quamuis non ignorem, alios, alias causas huius reciproci maris fluxus, constituere, idq̃ ex inferiori natura & elementari Astronomia: eas tamen, cum superioribus, quibus omnia inferiora parent, consensum habere (vt supra quoq̃ in Crissum mentione testatus sum) mihi dubium non est.

Modum verò huius diuisionis octogonicæ, non per Zodiacum, vt pleriq̃ Arabes, à suis polis: nec per Equatorem à propriis polis, vt Albategnius: nec per eundem Equatorem ab intersectionibus Horizontis & Meridiani, vt nostra ætate Regiomontanus factitauit, exequuti sumus: sed veluti totum cœlum hac in re

con-

considerandum venit, sic etiam diuisionem totī coelo  
 æqualiter & coformiter competentem, instituiamus,  
 nulla habita ratione Zodiaci vel Æquatoris, tanquam  
 imaginariorum, in coeli rotunditate, circularum. Ab-  
 soluimus autem hanc diuisionem, per duos circulos in  
 sphaera maximos, mutuis Horizontis & Meridiani se-  
 ctionibus, inuicem ad angulos rectos, coincidentes, &  
 spacia coeli, eidem Horizonti Meridianoq; intercepta,  
 bifariam, in intervalla æqualia diuidentes. Similem  
 quoq; in duodenaria coeli distributione obseruamus ra-  
 tionem, nisi quod hic, dicta spacia Horizonti Meridis  
 anoq; interiecta, non bifariam, sed trifariam, æqualiter,  
 per similes circulos intersectioni mutux Horizontis  
 Meridianiq; coincidentes, diuisionem instituere opor-  
 teat. De toto autem hoc negotio firmas & sufficientes  
 Demonstrationes attulimus, in tractatu, quem *DE  
 VARIIS ASTROLOGORVM IN COELESTIVM  
 DOMORVM DIVISIONE, OPINIONIBVS, EA-  
 RVMQVE INSUFFICIENTIA* inscripsimus: vbi  
 firmissimis rationibus demonstrauiamus, coeli diuisionem,  
 tam per zodiacū modo æquali, quā per Æquatorē,  
 siue Albategnī siue Regiomontani via, quam  
 vocauit Rationalem, Mathematicæ harmoniæ conso-  
 nam, minimē esse: aliamq; sufficientibus & rationibus  
 multa experientia stabilitam, in harum locum restitui-  
 mus, supputatis etiam Tabulis, quarum beneficio, exe-  
 cutioni numeratoriæ, hoc negotium mandari possit.

Infra has octogonicarum zyfigiarum coeli figuras,  
 breuem & succinctam singularum figurarum, Astrolo-  
 gicam considerationem, subiunximus. Et primō, de  
 dominantes stellas, quæ videlicet, plurimas prærogatiuas  
 in loco Luminarium, & angulo sequente, tum etiam

F 3

Horo

Horoscopo, obtinent, annotauimus : has, vno nomine,  
 more Arabum, *Almuten* appellamus. Adiunximus eti-  
 am Dominum horæ inæqualis : eò quod veteres Astro-  
 logi, plurimùm tribuebant dominis horarum, adeò, vt  
 dierũ denominationem ab illis mutuari non dubitarint.  
 Sed dimensiones illarum horarum, non vulgari ratione  
 (quæ diei artificialis duodecimam portionem vni horæ  
 tribuit) exequuti sumus : hic enim modus, friuolis ra-  
 tionibus fundatur, parumq; experientiæ consonat : sed  
 subtiliori quadam via & peculiari Methodo, hanc di-  
 uisionem aggressi, singulas etiam horas, eiusdem diei,  
 inuicem collatas, reddidimus inæquales. Atq; hæc diuis-  
 io, & firmioribus rationibus, & maiori experientia  
 fundatur, quàm prior, & vulgaris horarum inæquali-  
 um distributio : vt in tractatu nostro, *De horis zodiaci*  
*inæqualibus, quas Planetarias vocant*, abunde de-  
 monstrauius : adiunctis insuper Tabulis, ex quibus  
 singularum horarum quantitas, per omnes totius anni  
 dies, faciliè depromi, & negotium hoc numeris absolui  
 possit. Post Planetas, figuræ ipsius & horæ *Almuten*-  
 existentes, ascripsi etiam, cum quibus fixis, & tempore  
 eius *Zylogiæ* commoratur, & quorum Planetarum na-  
 turam illæ referant : vnaq; adiunxi defluxus & applica-  
 tiones & : à quo videlicet Planeta recedat, & cui  
 proximè accedat, siue corpore, siue quauis configura-  
 tione alia. Demum, & mansiones Lunares, etsi à quibus-  
 dam repudiatas, tamen non negligendas duxi : eò  
 quòd omnes veteres Astrologi, mansiones Lunæ, quas  
 28, ex diebus suæ reuolutionis statuerunt, magni semper  
 fecerunt. Sed initium harum mansionum, non à 20 V  
 deduximus, vt communiter modernis Astrologis mos  
 est : sed ab ipsa prima stella asterisimi Arietis, à qua pri-  
 ma

ma mansio nomen habet, quæ ab æquinoctio verno hoc anno remouetur 27 P 6, exordium coeterarum Mansionum instituiamus. Falluntur enim moderni Astrologi, qui vtuntur iisdem limitibus Mansionum, quibus Veteres, quorum tempore, prima stella Arietis, fuit in 20 ferè gradu Arietis: at nunc, ob Æquinoctij præcessionem, nostra ætate, octo ferè gradibus ab initio Arietis nonæ sphaeræ remotior. Postremò, ex his, breuem coniecturam, de æris statu, illi Zysigiae competentem, subiunxi. Atq; hætenus octogonicarum figurarum rationem, eorumq; quæ his infra scripta sunt, satis explicatam esse arbitror.

Præmissimus autem his, coeli, ad tempora octogonicarum configurationum Solis & Lunæ octogonarij & æqualibus constitutionibus, figuras octo: in quibus, positis coeli & syderum, ad tempora Solstitiorum & Æquinoctiorum, item Nouiluniorum vel Pleniluniorum, hæc immediatè antecedentium, designauimus: vt generalis Quartarum anni, ex his, status cognosci possit: diuisionemq; hac in parte retinuimus duodenariam: sed ea ratione institutam, qua fieri oportere prius dixi. Momenta verò temporum, cum Sol cardinalia puncta ingreditur, per nostras, in motu Solis obseruationes, etiam correximus. Adeo quod non dubitauerim, Solstitium Hybernum, Alphoncina supputatione decem ferè horis serius, Prutenica verò, ad quintam vsq; horam citius constituere. Æquinoctium autem Vernū, nobis, Alphoncinam rationem ad dimidium ferè diem, excedit: cum Prutenicam, septem horis anteuertat: Solstitium Æskium, plus quatuor horis vltra priorem Alphonfi calculum produximus: at Prutenicis Tabulis, duas ferè horas, detraximus.

Æqui-

Æquinoctium demum Autumnale , Alphonsinis  
Tabulis sesquialtera hora ulterius: Prutenicis verò,  
dimidia circiter hora prius, constituendum iudicauimus.  
Horarum minutias, in his differentiis consultò prætermitto. Vtinam enim eo usq; cursus solaris  
certitudo nobis cognita esset, vt vel in horis, certi  
esse possemus: de minutis certè non multum altercareremur.  
Quamuis verò, admodum sit difficilè, imò  
pene impossibile, Solaris cursus normam adeo exquisitè & scrupulosè cognitam habere, vt inde minutum  
temporis, quo aliquod Zodiaci puncti ingreditur, sciri  
possit (Sol enim, etiam velocissimus, spacio vnius horæ,  
vix tria minuta absoluit, nullo instrumento, vel maximo,  
animaduertenda) tamen confido, tempora Solstitiorum & Æquinoctiorum à nobis annotata, propius motui Solis correspondere, quàm ea, quæ cummuniter, ex Tabulis vel Ephemeridibus petuntur.  
Nec iudicium figurarum illarum, tam ex cardinum  
coeli & primi mobilis constitutione, quàm ex propriis  
Planetarum locis & configurationibus, instituimus;  
admoniti ex dubio illo Æquinoctiorum Solstitiorumq;  
tempore. Interim tamen, non desunt aliqui, summo  
risu excipiendi, qui audent usq; ad scrupula prima, secunda, & tertia, & plus si velles, hæc momenta iactare:  
cùm sæpè ad dimidium diem (si coelum introspicere  
scirent) se aberrare cernerent. Imò verò, nonnulli,  
congressus superiorum Planetarum, Saturni quidem &  
Iouis, in horæ scrupulo præfinire, & ex constitutione  
coeli, quæ tunc est, demultis annis futuris, iudicium ferre  
non erubescunt: cùm calculus Alphonsinus in postrema,  
Saturni & Iouis, magna coniunctione, per integrum  
mensē aberrauerit: Prutenicus, qui in horum  
motu

motu est exactior, cœloq; propior, vix diem, nedū horam vel scrupulū attigit, vt diligenti obseruatione anno 1563. didicimus. O audaces Astronomos. O exquisitos & subtiles calculatores, qui Astronomiam in Tugurijs & popinis, vel post fornacem, in libris & chartis, non in ipso cœlo ( quod par erat ) exercent. Pleriq; enim ipsa sidera ( pudet dicere ) ignorant. Sic itur ad astra.

Post cœli & siderum positus, temporibus octogonicarum Solis & Lunæ configurationū competentes, subiunximus Ascendentis, Nouilunij, Plenilunij, intermediarumq; Quadraturarum, ad sequentia Planetarum loca, Aspectus, & Antiscias, nec non ad præcipua quædam fixa sidera, Directiones: vt diurnæ tempestatum alterationes, hinc præsciri possent. Directiones enim, quantum in Astrologia habeant ponderis, quàmq; sint totius artis nucleus, neminem in ea Mathematicum parte versatum, ignorare arbitror. Quemadmodū verò in Genethliacis prædictionibus, Directionum mensura ita fieri solet, vt quantus sit motus Solis diurnus ( qui ferè semper vnum gradum attingit ) tantum spaciū de Equatore, vni anno tribuatur: ita nos, hic, non quidem per Solem, sed ex Lunæ motu diurno, arcum Equatoris vni dici competentē, mutasti sumus; idq; non iuxta æqualem & simplicē Lunæ cursum, sed verū, & singulis diebus diuersum ac inæqualem, vt etiā inæqualia, alijs atq; alijs diebus oriantur Equatoris interualla. In Directionibus enim, siue tempora ex motu Solis, siue Lunæ, aut etiam reliquorum Planetarum metiamur, eorū verus motus & inæqualis, non simplex ille, ab Artificibus tantū, vt verus innotesceret, excogitatus, obseruandus est. His præmissis, ad singulos mensiū dies, Solis ortum & occasum, coorientesq; & cooccidentes  
G fixas,



fixas, siue matutino, siue vespertino, ortu & occasu, annotauimus. Nec Planetarum & quarundam præcipuarum fixarum ortus & occasus Heliacos prætermisimus: cum videlicet radios Solares ingressuri, quasi emori, vel ab his liberati, mundo denuò nasci, conspiciuntur. Arcus autem apparitionum & occultationum stellarum, ex Ptolomæo mutuati sumus. Quamuis non ignorem, hos, non satis certos esse, nec in omnibus eiusdem etiam magnitudinis stellis locum habere, propter variam earum ab Ecliptica remotionem, & insitum luminis diuersam capacitatem: nolimus tamen à Veterum sententia hac in parte recedere, cum ipsimet nihil certi per obseruationes hic compertum habeamus. Spero autem ortus & occasus heliacos stellarum, à nobis assignatos, si non in ipsum diem, saltem, non diu ante vel post, incidere.

Lunæ quoque, ad singulos dies, ortus & occasus, præcipuasque fixas cum illa orientes & occidentes, non piguit annotare. Quæ res non caruit molesto laboris tædio. Luna enim, ob triplicem in ortu & occasu instabilitatem, ex motu videlicet proprio inæquali longitudinis, & inæquali quo ad latitudinem, diuersorumque eiusdem etiam quantitatis Zodiaci arcuum, diuersa ascensione & descensione, prognatam, tempora ortuum & occasuum reddit inæqualia, & inquisitione laboriosa. Nolui tamen hac in parte, ob laboris difficultatem, operam denegare. Consentaneum enim est, quod veluti ortus & occasus stellarum cum Sole & reliquis Planetis, plurimum in varianda aëtis temperie, habent potestatis: sic etiam earundem cum Luna ascensus & descensus, non carere euidenti effectui. Luna enim Elementari mundo proxima, plurimum præ cæteris Planetis,

netis, in hæc inferiora iuris habet, & reliquorum omnium, ad nos, tanquam internuncia, decreta adferre solet. Reliquarum insuper errantium stellarum, cum inerrantibus exortus occasusq; & nonnullibi, coeli etiam meditationes adscripsimus. Nam & hæ, multum habent iuris in alteranda æris constitutione. Nec (vt in Sole fit) ad certas dies, singulis annis recurrunt, vt neq; in Luna, ob eius cursûs instabilitatem, fieri necessarium est.

Démum etiam, motus Planetarum, tam inter semetipsos, quàm ad præcipuas fixas, configurationes, suis diebus correspondentes, assignauimus. Nec eorundem mutuas Antiscias, quas habent duplices, prætermisimus. Nam Antisciarum non minor quàm Aspectuum, est efficacia. Hæ enim, cum sint loca, æqualiter à punctis Tropicis aut Æquinoctialibus, remota, eandem ab Æquatore obseruant declinationem, similesq; arcus diurnos & nocturnos describunt. Eas autem Antiscias quæ respectu Æquinoctiorum distant, Ptolomeus, Imperantes & Obsequentes appellauit, quas nos tali caractere  $\odot$  insigniuimus: reliquas verò, à punctis Tropicis remotas, Intuentes dixit, easq; hoc  $\ominus$  signo notauit.

Hinc, Lunæ quoq; cum singulis quinq; Planetis, Aspectus Oppositos, Quadratos, & Coniunctionem, vnaq; Antiscias apposui. Et tandem ex prædictis omnibus simul collatis causis, auræ constitutionem, singulis diebus competentem, probabili coniectura erutam, adscripsimus.

Postremò, post mensium & dierum descriptionem, adiunxi Eclipsis Lunæ calculum, quæ in fine huius anni contingit, ex Tabulis Prutenicis supputatû,

vt studiosos huius Artis , ad diligentiorē , quā ex  
Ephemeridibus , Eclipsium inquisitionem inuitarem.  
Adscripsi etiam tempora huius Eclipsis , tam iuxta  
Alphonſinā quā Purbachianā rationem : & pro-  
priam quoq; ſententiā , de tempore huius deliqui, ex  
obſervationibus noſtris in motu luminarium , ſubiunxi.  
Tandem etiam breue iudicium Aſtologicum de effe-  
ctibus ipſius Eclipsis , addidi , ex Ptolomæi doctrina  
deſumptum.

Retuli autem hæc omnia , ad Longitudinem &  
Latitudinem *DANIE* Patriæ noſtræ : quia , etſi om-  
ne ſolum forti patria eſt , vt piſcibus æquor : tamen nos  
plurimum debemus illi loco , & Republicæ , vbi nati &  
educati ſumus , & vnde alimur , niſi ingratiſtudinis vitium  
incurrere velimus. Præſuppoſui autem eleuationem  
Poli 35 præciſe Graduum , eò quod Hafnia , Me-  
tropolis Regni , Latitudinem obtineat 57 partium de  
48 minorum , iuxta noſtram obſervationem. Longi-  
tudinem verò conſtitui eſſe , 35 Graduum. Tot enim  
ſere gradibus , noſter meridianus ( meo iudicio ) remo-  
uetur ab occaſu.

Volo autem candidum Lectorem admonitum ,  
ne nimis exquiſitè , certis diebus , has Metheorologicas  
prædictiones intelligat : tum quod multa deſiderentur  
in ipſis motibus & effectibus ſiderum inquirendis : tum  
etiam , propter materiei inferioris fluxibilitatem , & in-  
certas Tranſplantationum viciliſtutines : vnde ſiderum  
reſoluti fructus , nonnunquam tardius , aliquando verò  
celerius matureſcunt. Si verò , nonnunquam ( vt facile  
in tam perplexo negotio fieri poteſt ) hallucinati fueri-  
mus , nolo , vt quis Arti , ſed nobis , culpam imputet.  
Quam enim ſit difficilis , quam obſcura , quam nondum  
penitus

penitus inuenta, hæc, de auræ Mutationibus, Astrologiæ pars, experiuntur illi, qui totam ætatem in hoc studio absumserunt, nedum nos, qui hæc laborum similitum Primitias, nunc primum edimus. Cùm insuper, inferiora & terrestria astra, quæ non minus quàm superiora, æris alterationem inducunt (sunt enim tanquam matres à superioribus impregnatæ) magnam, in alijs atq; alijs terreni orbis partibus, diuersitatem, obtineant: coelum verò vnicum & sibi simile: necessarium erit, vnum & eundem siderum positum, in diuersis terræ partibus, non vnum & idem operari. Cumq; tota terra, respectu ipsius coeli, non habeat sensibilem magnitudinem, difficile est inferiorum Astrorum cum superioribus consensum vbiq; terrarum cognitum habere. Atq; hinc non minima difficultas (à paucis tamen animaduersa) in prædictione Metheorologica oritur. Quapropter, non tam hunc laborem suscepimus, vt singulis diebus, auræ mutationes, nos, certò prædicere posse speraremus, quàm, vt annotatis, coeli & siderum ad singulas dies, constitutionibus, obseruaremus, quomodo superiora astra hoc in loco cum inferioribus consentirent: qualesq; effectus, hic vel ille siderum positus, in hac terræ parte produceret, disceremus: atq; per hanc experientiam, in posterum, aliquid certius prædicere de auræ statu possemus. Hortor autem omnes Metheorologiæ deditos, vt simili studio & labore, singulis annis, siderum positus, suis diebus correspondentes, quemadmodum nos fecimus, denotent. Hac enim ratione, obseruatione per aliquot annos facta, discant, quid hi vel illi positus siderum, in sua regione, efficiant: & tali modo, præstantissimam hanc Astrologiæ partem, quæ auræ mutationes considerat, rectè excolere,

& à vulgi calumnijs asserere poterint.

Vobis autem, inclyti Heroës, Astrorum, quibus in patriam, sedesq; beatas os posuit sublime Deus, quoscunq; sub axe degitis, & cœlo labentia cernitis altra: vobis inq; hunc nostrum qualemcunq; laborem dedicauius. Vobis enim solis, non imperito vulgo, alijsq; huius Sientiaë ignaris, hæc conscriplimus: nec lucri aut nominis gratia, vt pleriq; solent, sed vt vos ad diligentiore[m] huius Metheorologicæ artis cultum excitaremus, hunc laborem suscepimus. Vobis, inquam, viri ingentes, & supra mortalium conditionem nati, hanc nostram sacrauius operam, de quibus non minus eleganter, quam verè hæc cecin[it] Poëta.

*Felices animæ, quibus hæc cognoscere primum,  
Inq; domos superas scandere cura fuit.*

*Credibile est illos pariter vitysq; locisq;  
Altius humanis exeruisse caput.*

*Non Venus aut vinum sublimia pectora fregit,  
Officiumue fori, militiæue labor.*

*Nec leuis ambitio perfusaq; gloria fūco,  
Magnarumue fames, sollicitauit opum.*

*Admouere oculis distantia sidera nostris,  
Ætheraq; ingenio supposuere suo.*

Confido autem, hunc nostrum laborem, vobis non futurum ingratum, & plurimum adiuuenti in restituenda Metheorologia allaturum. Dabo autem operam, vt plura nostri laboris monumenta, aliquando habeatis, & præcipuè elaborabo, in restituendis motibus cœlestibus, & fabricandis Tabulis, quarum  
benes

beneficio, motus siderum, apparentijs exquisitè respondentes, indagari possint: quod nullæ hæcenus editæ (ne illæ quidem quas viri illustres Copernicus & Reinholdus posteritati in æternam sui memoriam sacrarunt) ad amussin præstant. In altera etiam parte Astronomiæ, quæ effectus siderum considerat, elaborabo: ut quantum in me est, à mendis & superstitionibus vindicata, suo vigori atq; experientiæ restituatur. Spero autem, me, Nutu Dei, hos & alios labores Mathematicos aliquando absoluturum, & gratæ Posteritati consecraturum:

*Si mihi tranquillæ concedant tempora vitæ,  
Sidera, cultori non inimica suo.  
Si non de sera benè posteritate mereri  
Obstiterit captis (ut solet) Aula meis.  
Si non barbaries arctoi frigida cælj  
Reddiderit clausas sidera ad alta vias.*

Valete. Ex Musæo nostro Herrizuadensi Anno  
1572 Mense Decembri.

*Exemplar Diarij, quod hoc loco subiiciendum erat, propter  
multiplex & operosum schematum exprimendorum  
artificium, desideratur.*



DE



# DE ECLIPSI LVNÆ

ANNI 1573. MENSE

Decembrj.

6



**E**TSI QVOTIDIANVS MOTVS SOLIS, Luna, & cæterorum Planetarum, debitis instrumentis obseruatus, Astronomica artis infallibilem non obscure probet certitudinem: tamen maximè euidentis & illustre Artis encomium in prædictionibus Eclipsium Solarium & Lunarium conspicitur. Hæ enim ab omnibus, etiam huius Scientiæ imperitis, cerni possunt: et ante plurimos annos prædictæ, non solum tempus indicatum; sed etiam quantitatem obscurationis obseruant. Quamuis nonnunquam fiat, vt calculus Tabularum nonnihil differre ab apparentijs deliquiorum per instrumenta, diligenti facta obseruatione, animaduertatur: id tamen in tam difficili & ardua Scientia veniam meretur.

Pauci enim sunt qui hæc studia tractant; pauciores qui rectè & debito modo excolunt; vt admirabilis videri possit, totam doctrinam de motibus siderum non prorsus interijisse; quàm quid nonnulla apparentijs cælestibus non exquisitè respondeant. Inter omnes autem canones cælestium motuum, nulli exactius cælo congruunt, q̃ Prutenici Erasmi Reinholdi, qui fundamento Copernici inniuntur. Alphonsini enim plurimum in motu tam Luminarium q̃ cæterorum Planetarum, & fixarum etiam Stellarum, ab obseruationibus dissentiunt. Cum itaq; hoc anno ingens obscuratio Lunæ, mense Decēbri, in Plenilunio diei octauis contingat; non abs re duxi, si totum eius calculum, qualem Tabula Prutenica exhibent, hic subiungam; adiectis etiam temporibus Alphonsinæ & Purbachianæ rationis; tum etiam propriæ, quam in motu Luminarium habemus, obseruationis.

H

CAL.



# CALCVLVVS HVIVS DELIQVIV LVNARIS EX TABVLIS COELESTI um Motuum Prutenicis Rein- holdi.

Pro tempore medix Oppositionis eiusq;  
motibus medijs.

**T**Empus propositum ad quod Luna Eclipsis indaganda erit; est an-  
norum à Christo nato completorum 1572. cum Mense insuper No-  
uembri. Respondent autem huic tempori ex tabella equalium motuum  
Tempus. Dies 36. Hor: 1. Minu: 56. Sec: 19. Canonion autem re-  
uolutionum proxime maius Plenilunio correspondens, exhibet Dies 44.  
Horas 7. Min: 6. Secund: 5. à quo, priori sublato, innotescit tempus  
verum medix oppositionis, quod est eiusmodi.

DECEMBRIS	Di.	Ho.	Min.	Sec.
	8.	5	9	46.

Medij verò motus huic tempori correspondentes, sic se habent.

	Dode:	Part:	M.	S.
<i>Simplex precessionis</i>	0	27	29	22.
<i>Anomalia simplex</i>	5	21	41	4.
<i>Simplex longitud. ☉</i>	7	29	24.	16.
<i>Anomalia ☉ annua</i>	5	17	23	5.
<i>Anomalia Luna</i>	7	28	55	58.
<i>Simplex latitudo ☾</i>	9	2	19	36.

*Media longitudo ☾ & ☉ ad hoc tempus media 8, explet ex-  
quisitè semicirculum. Vnde dubium non est hoc tempus ritè numera-  
tum esse.*

Pro tempore veræ Oppositionis & eius motibus  
medijs & veris inquirendis.

*Tempus veræ Oppositionis innotescit ex collatis prosthaphæresibus,  
orbis Solis absoluta & Luna primi Epicycli, quas beneficio iam inuen-  
torum mediorum motuum hoc pacto inquiremus.*

Pro

Pro  $\pi\rho\omicron\sigma\alpha\phi$ . absolui. or-  
bis Solis.

	Sex.	Par:	M.	S.
<i>Anomalia simplex</i>	2	51	41	4-
<i><math>\pi\rho\omicron\sigma\alpha\phi</math> centri add.</i>		1	13	18.
<i>Scrúpula proportionalia</i>			0	21.
<i>Anomalia <math>\odot</math> aequata</i>	2	48	36	23.
<i><math>\pi\rho\omicron\sigma\alpha\phi</math> orbis subtr.</i>		0	22	34.
<i>Excessus sequens</i>		0	6	57.
<i>Pars proportionalis</i>			0	2.
<i><math>\pi\rho\omicron\sigma\alpha\phi</math> orbis abs. sub.</i>	0	0	22	36.

Pro  $\pi\rho\omicron\sigma\alpha\phi$  primi Epicycli Lunæ.

	Sex:	Par:	M.	S.
<i>Anomalia <math>\odot</math> aequalis</i>	3	58	55	58.
<i><math>\pi\rho\omicron\sigma\alpha\phi</math> 1. epicycli add:</i>		4	24	46.

Collatio  $\pi\rho\omicron\sigma\alpha\phi$ : Solis & Lunæ.

	Par:	M.	S.
<i><math>\pi\rho\omicron\sigma\alpha\phi</math>: orbis <math>\odot</math> absol: subtr:</i>	0	22	36.
<i><math>\pi\rho\omicron\sigma\alpha\phi</math>: 1. Epicycli <math>\odot</math> adden:</i>	4	24	46.
<i>Summa utriusq; <math>\pi\rho\omicron\sigma\alpha\phi</math>.</i>	4	47	22.

Præcedit igitur Sol Lunam in antecedentia signiferi, eò quòd  
ipſius  $\pi\rho\omicron\sigma\alpha\phi$  sit ablativa; idq; tanto temporis intervallo, quanto  
Luna hunc arcum à Sole emetitur. Inuenio autem per Anomaliam  $\odot$   
quæ est 239 ferè partium, elongationem fieri in 9 Horis, Part: 4. Mi-  
nut: 53. Secund: 23. & motum Luna in super horarium à Sole reperio  
31. Min: 57. 40. Sec. At prior elongatio numerum elongationis 9. Hor:  
non attingit in 6. Min: 57. Secund: 1. Vnde iuxta dictum Luna ho-  
rarium motum 11. Minuta 57. 2. Secunda minus novem horis debentur  
elongationi respondentis summa  $\pi\rho\omicron\sigma\alpha\phi$ . Solis & Luna, ut sit ve-  
ra elongatio in tempore Hor: 8. Minu: 48. Secund: 58. In tanto igitur  
temporis intervallo præcedit vera oppositio median: unde vera  
oppositio tempus incidit in

D:	H:	M:	Sec.
7	20	29	48.

H 2

Me-

*Medij autem motus ad hoc tempus vera & sic se habent.*

	Sex:	Par:	M.	S.
<i>Simplex process. equinoct.</i>	0	27	29	22.
<i>Anomalia simplex</i>	2	51	41	4.
<i>Simplex longitu. Solis</i>	3	59	2	33.
<i>Anomalia ☉ annua</i>	2	47	1	22.
<i>Simplex ☾ à Sole</i>	2	55	31	19.
<i>Anomalia Luna</i>	3	54	8	1.
<i>Latitudo Luna simplex</i>	4	27	28	31.

*Ex his motibus medijs, lubet indagare veros motus Solis & Luna, temporis vera oppositionis respondentes, hoc pacto:*

**Pro vero motu Solis.**

	Sex:	Par:	M.	S.
<i>negosq. centri adden:</i>		1	13	18.
<i>Scrupula proportionalia</i>			0	21.
<i>Anomalia Solis equata</i>	2	48	14	40.
<i>negosq. orbis subtra:</i>			23	17.
<i>Excessus sequens</i>			7	10.
<i>Pars proportionalis</i>			0	22.
<i>negosq. orbis ☉ absol. subtr.</i>			23	19.

**Distancia ☉ à prima V stella:**

Sex:	Par:	M.	S.
3	58	39	14.

**Pro vero motu Lunæ.**

	Sex:	Par:	M.	S.
<i>Duplicata distantia ☾ à ☉</i>	5	51	2	28.
<i>negosq. secundi Epicycli subtr.</i>		2	26	30.
<i>Scrupula proportionalia</i>			0	28.
<i>Anomalia ☾ equata</i>	3	51	41	31.
<i>negosq. 1. Epicycli adden.</i>		4	4	54.
<i>Excessus sequens</i>		2	25	43.
<i>Pars proportionalis</i>			1	8.
<i>negosq. 1. Epicycli absol. add.</i>		4	6	2.

*Di-*

<i>Distantia ☉ à simp. ☉</i>	2	59	37	21.
<i>Distantia ☉ à prima ♀</i>	0	58	39	54.

Pro vero motu præcessionis.

	<i>Sex:</i>	<i>Par:</i>	<i>M.</i>	<i>S.</i>
<i>Simplex præcess.</i>	0	27	29	22.
<i>Anomalia præcess. dupl.</i>	5	43	22	7.
<i>Prost. præcess. add.</i>	0	0	20	25.

Vera præcessio Æquinoctij verni.

	<i>Sex:</i>	<i>Par:</i>	<i>M.</i>	<i>S.</i>
	0	27	49	47.

Veri motus ☉ & ☌ ab Æquinoctio.

	<i>Sex:</i>	<i>Par:</i>	<i>M.</i>	<i>S.</i>
<i>Locus ☉</i>	4	26	29	1.
<i>Locus ☌</i>	1	26	29	41.

*Præterijt itaq; Luna. Solis oppositum S. 40, quæ duplicata, auferenda sunt à tempore veræ ☉ Luminarium primæ inuentio, ut enadat exquisitum tempus oppositionis.*

Tempus exquisitum veræ Oppositionis  
Luminarium.

### DECEMBRIS.

*Die Hora Minut. Secund:*

7 20 19 28.

*Post mediam noctem in Meridiano Monteregij Prussæ.*

*Loca autem Luminarium emendata ad hoc tempus, sunt talia:*

	<i>Gra.</i>	<i>M.</i>	<i>S.</i>
<i>Locus ☉ in Sag.</i>	26	28	58.
<i>Locus ☌ in Gem.</i>	26	28	58.

*Atq; hæc omnia iuxta tempus æquale & Astronomicum, quod è vero & apparenti nonnihil differt. Ut igitur tempus hoc reddatur apparens; conféro motus compositos simplices Solis, & ascensiones rectas veri loci ☉, quæ huic tempori Plenilunij respondent, cum ijs qui epochæ natiuitatis Christi congruebant, idq; hoc pacto.*

H 3

Com-

**Commutatio temporis in apparens  
& verum.**

<i>Motus simplices Solis compositi.</i>	<i>Ascensiones loci Solis Recta.</i>
P. M. S.	P. M. S.
Tempus plenilun. 266 31 55.	266 9 59.
Tempo. Christi 278 2 16.	279 55 33.
Differentia 248 29 39.	246 14 26.

**Collatio differentiarum.**

	P. M. S.
Differentia aequalium mot.	248 29 38.
Differentia ascensionum	246 14 26.
Excessus differentiarum	2 15 12.

*Huius excessui differentiarum, competunt M. 9. S. 1. unius hora,  
addenda temporis oppositionis aequali, ut evadat apparens.*

**Tempus apparens veri Plenilunii.**

**D H M Sec.**  
**DECEMBRIS** 7 20 28 29. *post mediam noctem:*  
*Sive à meridie, (ut moris est) nume-*  
*rando Horas.*

**D H M Sec.**  
8 8 28 29.

*Nunc ad temporis reductionem ad nostrum Meridianum acce-*  
*damus.*

**DE TEMPORIS REDUCTIONE AD  
nostrum Meridianum.**

*Tempus verae Oppositionis apparens iam inuentum respondet Meridi-*  
*ano Tabularum Prutenicarum, quem Reinholdus prae-supposuit 44-*  
*partium, & 15. minut. quod est ille silentio prae-terijt: tamen ex distan-*  
*tia Meridianorum, quam constituit inter Regiomontem & Cracoviam*  
*aut Alexandriam, quibus locis Copernicus & Ptolomeus visi sunt, non*  
*obscurè patet illum, eam, quam dixi, longitudinem Regiomonti Borussiae*  
*ad cuius loci Meridianum Tabulas supputavit, attribuisse. Si itaq; hoc*  
*tempus reducendum erit ad nostrum Meridianum, quem prae-suppono 37.*  
*par-*

8 8 28 29  
37  
8 7 51

partibus remoueri ab occasu  $\epsilon$  9 $\frac{1}{2}$ . partibus Regiomonte Occidentaliorem; veniunt 37. minuta unius hora subtrahenda à tempore apparenti, quod supra inuenimus Meridiano Regiomontano Prussia correspondere, ut euadat tempus veri Plenilunii apparens  $\epsilon$  reductum ad Meridianum distantem ab initio longitudinum, 35. (ut dixi) partibus.

Tempus exactum veræ oppositionis apparens  
in longitudine 35. part.

### DECEMBRIS.

D.	H.	M.	Sec.
8	7	51	29.

Hactenus ea, quæ ad cuiusvis Plenilunii veri inquisitionem propriè pertinent, inquisuimus: nunc ea, quæ ad Eclipticam Luminarium oppositionem solùm spectant, aggrediemur.

### De Semidiametris $\epsilon$ & vmbrae.

Anomalia $\epsilon$ æquata	232 partium ferd.	
Semidiameter $\epsilon$	M. 17	S. 10.
Semidiameter vmbra	47	25.
Anomalia $\odot$ æquata	168 parti.	
Variatio vmbrae sub $\epsilon$ .	S. 54.	
Verus vmbra semidi.	M. 46	S. 31.
Aggregat. semidi.	M. 63	S. 41.

Quod Plenilunium hoc sit Eclipticum,  $\epsilon$  de latitudine  $\epsilon$  ad medium Eclipsis.

Simplex latitud.  $\epsilon$  motus est.

Sex.	Par.	M.	S.
4	27	28	31.

	P.	M.	S.
Propos. 1. Epicycli absoluta Ad.	4.	6	2.
Verus motus latitudinis $\epsilon$ .			

Sex.	Par.	M.	S.
4	31	34	33.

Vera

*Vera Luna latitudo ad medium deliquij.*

*M. 8. S. 14. borealis.*

*Cum igitur latitudo & tempori vera oppositionis respondens, minor sit aggregato Semidiametrorum Luna & umbra; patet quod Luna, tempore huius Plenilunij incurrat in umbram terrae; & propterea deliquium Luminis patietur. Quantum vero in dictam umbram immergatur, manifestabitur collatis antecedentibus.*

**De digitis Eclipticis vel magnitudine deliquij ☾.**

	<i>Min.</i>	<i>Sec.</i>
<i>Aggregatum semidiamet.</i>	63	41.
<i>Vera latitudo Luna</i>	8	14.
<i>Scrupula reliqua de summa utriusq. semidiamet:</i>	55	27.
<i>Totus Luna diameter</i>	34	29.

**Digiti Ecliptici.**

<i>Dig.</i>	<i>M.</i>
19	23.

**De tempore incidentiae & morae dimidia.**

	<i>M.</i>	<i>S.</i>	
<i>Scrupula vera latitudi. Luna</i>	8	14.	<i>boreal.</i>
<i>Aggregatum semidiamet.</i>	63	41.	
<i>Differentia semidiamet.</i>	29	21.	
<i>Scrupula incidentiae &amp; morae dimidia simul.</i>	63	7.	
<i>Scrupula morae dimidia.</i>	28	9.	
<i>Sola scrupula incidentiae</i>	34	58.	
<i>Motus Luna horarius verus</i>	32	42.	
	<i>H.</i>	<i>M.</i>	<i>S.</i>
<i>Tempus incidentiae &amp; morae med. simul</i>	1	55	48.
<i>Tempus morae dimidia.</i>	0	51	39.
<i>Tempus incidentiae</i>	1	4	9.

**Pro**

Pro latitudine Lunæ ad Eclipsis  
initium & finem.

*Mora dimidia supra inuenta est.*

H.	M.	S.
1	55	48.

*Hinc respondens iuxta verum motum Ho-  
rarium Solis, qui tunc est.*

M.	4.	S. 54.
----	----	--------

*Sed & scrupula incidentia & mora  
dimidiæ fuerunt*

M.	36.	S. 7.
----	-----	-------

*Est itaq; verus motus latitudinis Lune ad  
dimidiam durationem Eclipsis*

P.	M.	S.
1	8	1.

*Verus motus latitudinis & ad initium Eclipsis.*

Ded.	Par.	M.	S.
9	0	26	32.

*Verus motus latitudinis & ad finem Eclipsis.*

9	2	42	34.
---	---	----	-----

*Vera latitudo & ad initium Eclipsis.*

M.	S.
2	19 Borealis.

*Vera latitudo Lune ad finem Eclipsis.*

M.	S.
14	10. Borealis

*Atq; hætenus ea quæ ad Calculum deliquij Lunaris inquiren-  
dum necessaria fuere inuestigauimus: nunc præcipua quadam ex toto  
ferè calculo decerpta, quæ integram eius summam contine-  
bunt, breuiter annotabo.*



# ECLIPSIS LVNÆ ANNO

à nato CHRISTO 1573. De-

cembriſ die. octavo.

	H.	M.	S.	
Initium primæ obſcurationis	5	55	41.	
Initium totius obſcurationis	6	59	50.	
Medium totius obſcurationis	7	51	29.	In longitudinem loci 35. grad.
Finis totius obſcurationis	8	43	8.	
Finis vltimæ obſcurationis	9	47	17.	


	H.	M.	S.
Tempus incidentiæ	1	4	9.
Tempus moræ mediæ	0	51	39.
Dimidia duratio	1	55	48.
Tota duratio	3	51	36.

	Dig.	M.
Digiti Ecliptici.	19	23.
	M.	S.
Semidiameter ☾	17	10.
Semidiameter ymbre	47	25.
Aggregatum ſemidiame.	63	41.

	Latitudo Lunæ.	
	M.	S.
Initium	2	19
Ad Eclipsis Medium	8	14
Finem	14	10
		Sept.

	Loca Luminarium.	
	S.	M.
☉ in Sagitt.	26	29.
☾ in Gemi.	26	29.

TPVS DELIQVII LVNARIS.



# DE HVIVS ECLIPSIS CALCULO EX TABVLIS ALPHONSINIS

et Purbachij.

**E**xhibuimus totius Calculi exactam rationem in hac Eclipsi, qualem Tabula Prutenica, viri de hac Astronomia parte optime meriti Erasmi Reinboldi, exhibent. Sed quia nonnullis magis arridet vetus illa liberalitate Regis Alphonsi constructa Tabularum farrago, nonnullis etiam Purbachiani canones placent, subiungam etiam ex his utriusque Calculi summam in hac Eclipsi Lunari: tum ut votis omnium satisfiat, tum ut collatis calculis cum apparentijs in celo, quis eorum veritati proximè accedat, manifestum euadere possit.

## ECLIPSIS EX TABVLIS REGIS ALPHONSI.

	H.	M.	
Initium Eclipsis primum	7	10.	Digiti Ecliptici.
Initium totius obscurtionis	8	16.	17 30.
Medium Eclipsis totius	9	0.	Tempus incidemia.
Finis totius obscuratio.	9	44.	H. M.
Finis Eclipsis vltimus	10	50.	1 6.
			Tempus moræ dim.
			0 44.

		M.		44-	
Latitudo ad Eclipsis	{	Initium	53	Borealis	Semidiameter 17.
		Medium	11		Semidia. vmbra 44
		Finem	16		
Locus ☉ in G 27. M 7. Sagit.			Locus ☾ G 27. M 7. Gemi.		

## EX TABVLIS PUR- BACHIANIS.

	H.	M.	
Initium Eclipsis primum	6	32.	Puncta Ecliptica.
Initium totius obscuratio.	7	39.	17 23.
Medium Eclipsis totius	8	23.	G M. 27 52.
Finis totius obscuratio.	9	7.	Locus Solis Sagit. 27 52.
Finis Eclipsis vltimus	10	14.	Locus Luna Gemi. 27 52.
			DE

# DE HVIVS ECLIPSIS TEMPORE IUXTA PROPRIAM MOTVVM ☉ & ☾ observationem.

**R**ecensui momenta huius deliquij Lunaris iuxta triplicem cœlestium motuum calculum, Prutenicum (qui Copernici hypothefibus fundatur) Alphonsinum, & Purbachianam. Sed quoniam tam ex aliorum quam proprijs observationibus compertum habeam, nullam ex his omnibus motuum secundæ mobilis rationem, exquisitè apparentijs cœlestibus correspondere, subiungam meam quod de temporis momento, quo hanc Eclipsin futuram iudico, ex proprijs in motu Laminarium aliquot præcedentibus annis, petitam sententiam. Veluti singula quod momenta quarumlibet ☉ & ☾ configurationum in toto Diario assignatarum, ex hac propria motuum ratione emendauimus.

Tempora deliquij ex propria Motuum ratione.

DECEMBRIS diē 8.

	H. M.	
Initium Eclipsis primum	6 15	} P. M. { In longitudine locorum quæ est 35. partiū.
Initium totius obscuratio.	7 20	
Medium Eclipsis totius	8 10	
Finis totius obscuratio.	9 0	
Finis Eclipsis vltimus	10 5	

G. M.

G. M.

Locus ☉ in 26 40 Sagit. Luna in 26 40 Gemi.

Cetera se habent ferè quemadmodum calculus Prutenicus præbuit. Nunc ostendam quomodo explorari possit, an hæc tempora iuxta nostram sententiam sint Apparentijs consona.

**QUA RATIONE MOMENTVM DE-  
LIQVII OBSERVANDVM ERIT: ET  
quomodo innotescat, an nostra mo-  
tuum ratio apparentijs con-  
gruat nec ne.**

**E**Xquisita momenta deliquiorum, ex Horologiorum sonitu vel clepsidris determinare, impossibile est à Mathematica certitudine alienum esse arbitror. Et licet multa sint viæ, id aliter et longè exactius certiusq; sciendi: tamen nulla est commodior et exquisitior quàm per observatam Stellæ alicuius, notum locum habentis, altitudinem supra Horizontem, quam habet tempore, quo Luna umbram ingreditur et ab ea prorsus liberatur: præsertim ex ijs Stellis, quæ tunc temporis non longè ab Horizonte Orientali vel occiduo remouentur, magnamq; habent Altitudinem Meridianam. Per datam enim Stellæ hoc pacto altitudinem, beneficio scientiæ triangulorum, ex Sinuum Tabulis, verum temporis momentum indagari potest. Quæ autem ratione hæc operatio procedat, nimis longum foret, nec huius loci est, pertractare: sed apud alios, rudiores passim inuenient. Vt tamen facile et certè experiri liceat; an tempora huius deliquij, ex propria motuum ☉ et ☾ ratione assignata, veriora sint reliquis, et propius Harmonia motuum celi accedant, annotabo quarundam præcipuarum fixarum Horizonti vicinarum altitudinem, quam meo iudicio obtinebunt iuxta initium et finem huius deliquij. Medium enim observari certè non potest. Has autem Stellarum ab Horizonte remotiones non scrupulosius quàm in ipsis gradibus et eorum semisse, perscrutari libuit. Maior enim subtilitas hoc in loco otiosa est: tum, quia hæc altitudines solummodo in Latitudine locorum 56. graduum locum habeant; et Stella Horizonti vicina vix in duobus Minutis temporis, semisse gradus eleuentur: tum etiam, ob Fixarum, exquisitè nondum cognita loca; et Instrumentorum quibus altitudines hæc communiter capiuntur vix præcisorem quàm in ipsis gradibus, vel eorum mediocritate, certitudinem.

**ALTI.**

# ALTITVDINES ALIQVOT FIXA- RVM AD MOMENTA ECLIPSIS *iuxta propriam motuum rationem.*

*Caput Gemi. merid. eleuatur 13 Grad. ante Me-  
ridianum supra Horizontem Orientalem.*  
*In initio prime ob-* *Caput Gemi. Borealis eodem modo eleuatur 18 Gr.*  
*scurationis Luna.* *Aquila habet altitudinem pomeridianam, supra*  
*Horizontem occidentalem 18 Partium.*  
*Lyra supra eundem eleuatur partibus 33½.*

*Caput Gemi. merid. habet altitu. 21½ ante merid.*  
*Caput Gemi. Septe. habet alti. 26 part. ante meri.*  
*Canis minor habet altitud. 3½ ante merid.*  
*In initio totius ob-* *Sinister pes Orionis habet altitu. 10. ante merid.*  
*scurationis.* *Vultur volans habet altitud. pomerid. 9 partium.*


*Canis minor eleuatur G 17 ante merid.*  
*In fine totius obscu-* *Canis maior 4 part. cum ¾ ante merid.*  
*rationis.* *Cor Leonis eleuatur 3½ ante merid.*

*Cauda Leonis habet altitud. P 1½ ante merid.*  
*In ultimo fine totius* *Cor Leonis habet altitud. 12½ ante merid.*  
*Eclipsis* *Lucida Hydra habet 2 Grad. ante merid.*

*Hinc, facta altitudinis obseruatione alicuius harum fixarum,  
tempore debito huius deliquij, periculum fieri potest, vtrum nostra  
motuum ratio, experientia consona sit nec ne. Atq; hactenus Astro-  
nomicam considerationem huius deliquij absolimus: nunc Astrologi-  
cam aggrediemur.*

CON-

**Mi. 10. P.M.**



*IV DL.*